



~ 16
2382
2



和
2382
10-2

臺山集卷三目錄

鐘
樓
齋

詩

過泮陰舊樓

辛卯

暮春登一碧亭後崗

入蘗溪二首

次韻酬申祖卿

教善

涓上客館錄呈巡使再從兄

學淳氏

肅寧道中謹次巡使再從兄韻

百祥樓謹次高祖考板上韻

城上紀所見

題古延州倉舍

延州早發二首

松倉漫題

板幕嶺

拈韻贈景博

族姪厚根

到府

次景博韻

次七以堂題板韻

讀澤堂集白鷗谷短古七首事情有相感者信

筆次韻

書事示鄉佐諸人

中秋日書懷

渭原村舍戲題

九日齋居志感二首

渭原望京樓次前人韻

十月二十三日夜夢遇一偉人自稱孫叔敖笑

語甚欵覺而記之

壬辰正月十五日沿檄往渭原以嶺雪不通車

馬取路江水薄暮投宿古城村舍 壬辰

鴨綠江雪馬歌

景博尋醫江州道中有詩次其韻

詠金節制寶劔

詠金烈士事

山羊會道中

阿耳鎮受降亭

藥山東臺

清川上津口占

百祥樓

暮春登挹清樓 癸巳

三好亭

竹溪來會淵泉洪尙書適以檢船出江上歸路

歷訪席散得一律示竹溪仍呈淵泉

將赴東京到漢江口號

撻川

祇拜玉山書院退宿溪亭臨歸書贈主人

用壁上犀字韻

一勝堂漫題

鷄林客館

次前人韻

鮑石亭有曲水流觴遺址

兄山倉歸路歷登蔣氏萬歸亭聞永陽宰洪壽

卿者變以昨日過此有懷簡寄

雲广山人躡屩遠訪

詠新羅三物

皇南殿次板上韻

除夜限韻羅字林禁用新羅

元朝疊羅字甲午

正月之三雲广周甲日也舉酒相勸疊前韻為

壽

人日雲广有作又前韻也其健不可及聊爾效

顰

正月十五日夜拈白集杭州韻

觸目偶成

雨中遣懷次白集送令狐相公韻

戲做元白二公誇州宅

踏青日次城上夜宴韻

跨月望霓終日釀雨霏灑而止悵然有作

對酒和雲广

次元集寄樂天韻送雲广

別夕又拈景申秋韻

又拈嚴茅池塘韻

次知通州事韻

蔚山聞喜宴用養士齋酬唱韻吟贈主宰閔寧

仲致文兼示尹上舍秉頤

芬皇寺會李淑汝鍾祥禹玉瑞祥義叔琥祥三

昆季講庸學近思諸書臨散拈老杜韻

瞻星臺

發東京至阿火口占

朝陽閣夜宴走草示主人是日七夕

聞慶縣遇雨

少憇交龜亭雨餘湫瀑益奇壯

赴任江都敬審仙源先生殉義碑志感

洗心齋敬次農淵二祖板上韻

拜寧遠伯影堂次槎川韻贈主人李五衛命集

陽川東軒感舊留題三首

掃阡志哀

峒陰歸路吟得丙舍所拈城字簡寄抱川沈明

府敦詩興祖

次景守見示懷淵閣韻時相公在長湍山下過

周甲揆辰

南池三絕驢荷西老人玄斯文益祚歸延安

純宗大王輓詞

燭下限韻 乙未

落月

百慮

將向江都吟示書塾諸人

哭鄭景守四首

病起復適江都兒子騎驢而從

二客至攜登城樓

九月初吉行 長寧殿秋奉審曝曬外閣圖書

尋積石寺道中呼韻

登西臺欲觀落照雲陰不果

敬次三淵集感舊樓韻

下山又次先集韻

江都餞歲敬次農巖集韻四首 丙申

尋傳燈寺宿西寮

三月三日登摩尼山絕頂有石壇兩成高可四

丈長廣如之傳為檀君祭天處

秋夕省阡修歲事寅兒勝冠從行

金水亭中秋夜期青城明府不至主人赴舉獨

坐至夜分無聊有吟

明府夜深始至復攜出亭上月已過午次東淮

板上韻

訪李穉尊道在易安齋留題

讀李審夫正履海嶽詩卷戲題其後丁酉

鶴山遠訪江上相阻十年喜可知也余適病咽

喉妨於談吐鶴山又患贖信宿聯榻終不能

極意披寫別後吟寄二律聊效坡公手眼故

事

次鶴山寄示韻奉酬

中秋夜在堯山丙舍沈明府攜酒來過臨別呼

韻得秋字

重陽後四日鶴翁携面嶽洪元教號來面嶽出門可

比河清秉燭聯枕相視如夢寐遂拈韻同賦

以道懽洽

詠初月

詠片雲

旅鴈

同庚四君子咏

金進士渭師尚鉉投惠二律陳義甚高非拙陋

可當吟賞之餘次韻却寄事異還圭詞慚報
瓊亦永以為好焉爾

至日敬次農巖集示院中同志韻二首

咏紅梅

太姪次東坡梅花詩韻和之

春雨使兒次杜詩韻漫吟以示 戊戌

歸自峒陰臥病渭師遣書相問副以短律一首

次韻酬寄兼申家園賞花之約

疊雲字寄渭師

閏夏上旬尹洪二老友不期並至

次太姪韻

詠白鷺

詠鶯

詠牛

追輓復元齋俞公 星柱

紀夢

秋日遣懷

疊秋字懷渭師時渭師有疾新起

月夜又疊秋字

八月十九日過月波亭次主翁周甲壽席韻

書夢中二事寄渭師

次韻答池進士 運浩

十一月八日咏小盆梅竹

渭師和示癡字韻託寄深遠藻思清新吟玩不

已效顰趁課

已亥元日參朝賀于仁政殿庭仰瞻 天容退

而恭識 己亥

雨中總黑不能看書信筆題六言

三月二十八日乘舟訪淵泉相公于廣津一宿

敘話閱案上詩軸歸用其韻得三百五十言

寫呈求和

次淵泉過春艸亭絕句韻

新秋雨霽天氣甚佳連日燕坐不離西樓

秋夜讀書

病枕雜書示渭師四首

諸詩大旨多屬渭師而渭師索專屬一首依韻

副意

旬字一首先被渭師傳去淵泉和二首沆瀣 洪憲

仲吉周號和四首復自渭師所傳來依韻謝之

沆瀣謂旬韻窘竭不復續和另構五古一篇渭

師和之同緘寄來步韻以酬

疊洗字再和沆瀣兼補醇溪李審夫行臺別語之

踦

詠懷又疊洗字

又疊洗字示兒

次韻渭師梅花長句

疊起字和沆瀣

再疊前韻自述

贊美梅花諸作盡之不容更着言語往復贈疇之際梅亦凋矣戲成三疊聊發一粲

竹溪過歲于廣津寄示唱酬絕句有見懷語依

韻和之庚子

四月三日約俞景衡莘煥渭師尋華藏寺寅兒

從道上得七古一首

拈東坡虎邱寺韻

禪房左側桃花盛開

下山口占示同遊是日立夏

太姪與諸詞人賞春夕陽樓誦傳所作次韻

漢上值舍季生朝述懷書贈

雜閱漢唐宋史漫書

讀呂氏

名坤萬曆間人

呻吟語

寫悶

放言

志愧

遙謝中州二士

謝絕碑誌文字

看碁

看魯論

遣心

誦易

臺山集卷三目錄

臺山集卷三

安東金邁淳德安

詩

過泮陰舊樓 辛卯

俛仰人間世悲歡水上亭重來千歲鶴少別五秋螢
落日明簷角崩沙漫砌形書窓仍淨潔多謝草堂靈

暮春登一碧亭後岡

未甘愁寂度芳春振策西園一暢神都下山川從古
壯城南花柳此時新風牽遠纜啣千尾日射高麓盪
萬鱗可恨名亭深鍵閉眼中佳麗屬閒人



入藥溪二首

先人棲隱地傳授自思庵封植交桑栗標題遍壁潭
平泉寧與一華嶽摠分三盡室他年計應無林礪慙
庶及躋攀健何妨洞府深巖泉終古勝堂構百年心
稷黍耕應足雲烟取不禁種桃曾準擬流憩坐清潯

先祖詩西灣最幽
媚準擬種桃花

次韻酬申祖卿 教善

流水高山屋後前孤琴援弄欲忘年閒從笠澤賡漁
唱懶向成都費卜錢先輩如今誰在者新知惟子獨
驩然青蛇十襲休輕露怕遣傍人識劔仙

涓上客館錄呈巡使再從兄 學淳氏

關嶺愁能斷襜帷意已馳枕衾弓館靜更漏戟門遲
桑宿回頭幻萍逢握手奇升沉不須較垂老荷恩

私

肅寧道中謹次巡使再從兄韻

不有同堂會何堪絕塞行公裳成一笑長枕似諸生
江月登樓滿池花把酒明滔滔賓旅地幾箇見真情
百祥樓謹次高祖考板上韻

清川一涉路悠悠欲動征車復少留奉使張騫曾出
塞離家王粲獨登樓長安遠日瞻何及蜀道如天望

已愁自笑書生猶膽氣伴身千里有吳鉤

城上紀所見

緩急宜須捍禦才豐碑紀績亦雄哉 王師有戰吾
猶媿盜賊無知爾可哀亂後閭閻思舊盛別來津渡
問新開眼中何限滄桑事巡遍危欄未遽迴

題古延州倉舍

熊熊朔氣亂峰稠六月淒風已戀裘似入褒斜窺劔
閣雲山西北古延州

延州早發二首

赤日三庚酷青天八嶺難家鄉渾似夢行役強名官

眼冷音書闊神傷伴侶單向來知忝竊弱歲侍臣冠
疊疊山遮馬盤盤水漸車危塗從此始絕域與誰居
壯志慚弧矢公程畏簡書行休難適意三歎撫冠裾

松倉漫題

少日無恩怨中年閱盛衰曾雲雖不滯鬢雪亦堪噫
蝸角閒猶聒羊腸老更危清涼差可樂誰復陋居夷

板幕嶺

喬林如束劣通門伊軋籃輿睡意昏夢臥秋江聞急
雨兩厓飛出瀑流喧

拈韻贈景博 族侄厚根

塞外行誰與吾宗有好人囊錐初脫穎匣劍久埋塵
義許驅馳勇情看笑語親翩翩儒俠際風味喜清真

到府

君恩浩蕩海無邊敢憚關城路二千刺柳非同員外
置過湘仍得太中遷山分蛤戍徵麗堞水接豬江冕

野船歷歷圖經曾手勘此行應復是前緣自江邊蛤池烽臺西

至阿耳鎮山缺處皆有古城遺址相傳高麗德宗時柳韶所築國初波猪江野人世爲邊患

次景博韻

鴨水窮荒北行行已到頭捫參踰絕險依斗坐虛樓
玉笛關山月荷衣澤國秋古來詞賦境強半在憂愁

次七以堂題板韻

秋風日夜動江城樑燕頻來似告行塞穀微黃霜欲
下崖亭斜白月方生西湖梅鶴違心事東魯絃歌愧
政聲賴有騷音傳楚俗巷謠收得一編成

輕裝無事臥邊城掾佐相從酒數行五字題牋催競
病八門開卷講休生詩書卻穀吾知愧文武翁歸孰
擅聲緬憶西周多士日英材養得兔罝成

讀澤堂集白鷗谷短古七首事情有相感者信
筆次韻

鴉兒豈必醜鳳雛豈必祥當其哺養初恩愛均天良

辛勤長毛羽戒之猶恐傷江湖抱積憂穀燧驚飛光
山高北風烈游子天一方

肆兀東郊馬萬里心已歇驅來強啣策何異吳牛月
終牽斗米腰未散扁舟髮烏紗廢照鏡對之輒駢發
蛟龍困泥沙得水不在多驪首見一勺雷雨俄蕩摩
洪音振百蟄沛澤蒸萬芽變化信自有遭逢其如何
政復爛見骨蝦蟇難同科

春花灼方敷秋葉颯已飄喧喧鼎鍾地鳥雀聚寒條
君看萬竅虛何處覓調刁榮觀寄澹泊大音生寂寥
休將我悶悶輕博人昭昭

我家有祖訓森然古繩尺高山勗抗志濁流戒濡迹
巖廊與丘壑一一見芳躅誰甘自菲薄蘭艾異今昔
願言各征邁敷衽質幽窅

古來長往士於世非相遺向非子陵激誰砭君房癡
澹成識此意頽流儼自持如何秉夙尚白首迷所之
世路迭險夷人事錯咷笑玄天有定命倚伏來不召
達人常坦坦迷子徒噉噉窮山禦楚魑我行豈自料
且喜白雲隨休歎黑風漂

書事示鄉佐諸人

賦籍浮雲幻倉儲畫餅虛但要除害馬非欲察淵魚

吏情迷沿革氓愚錯毀譽諷謀仗賢俊相信莫相疎
中秋日書懷

墟墓登秋薦公堂放早衙風謠看歲晚禮俗到天涯
旅食違沾釜衰顏負鍊砂蕭然霜露感終日掩窓紗

道家以中秋
日筆鍊內丹

渭原村舍戲題

朝發荆岑暮渭濱飛龍如馬鶴如輪山川字號陳驚
座南北神游呂洞賓虹彩多年藏寶璞風期何日訪
漁綸虛名半世慚箕斗倚醉詩成一笑新

九日齋居志感二首

先夫人諱辰
在十一日

遲日稀歡笑餘生足險艱悲添黃菊節淚盡白雲山
鏡髮無勞鑷箱衣不復斑遺書在懷袖一一路歧間
蘋藻明朝是茱萸故國非天高號不徹地闊夢難歸
已謝焦鑄飯空懷熨斗衣淵水佩慈訓隨處願無違

渭原望京樓次前人韻

長安已歎舉頭遙黃葉旋驚滿眼飄歸夢如絲何易
斷旅愁匪雪不會消新秋白露悲先隴少日青雲憶
盛朝強說桑蓬輕萬里壯心商畧愧全凋

十月二十三日夜夢遇一偉人自稱孫叔敖笑
語甚欵覺而記之

譚笑衣冠十分真夢中忘却卷中人知君楚地存餘
愛舊政諄諄說與新

壬辰正月十五日沿檄往渭原以嶺雪不通車

馬取路江水薄暮投宿古城村舍 壬辰

蹋碎銀沙百里遙魚龍潛伏避征輶厭提丹筆重臨
渭思奮金戈一度遼客路已窮容轍地壯遊初記放
燈宵故園行處今如夢明月春城十二橋

鴨綠江雪馬歌

老擁簿書客楚州局促何異南冠囚天公見憐爲解
脫故遣飛檄媒清遊虹橋駕出鴨綠水雪馬替作龍

驥舟大禹四行闕水載後出逾奇剗者疇匡床複帳
穩於室下爲四脚前雙輶當轅兩犢走橐橐八蹄騰
擲鏗琳瑯三韓夾右薊遼左世界一座空中浮蛟螭
深蟄靜水府狐兔遠遁空山丘黃雲白草望不極耳
畔但聞風颼颼未論快意絕萬境直恐擬跡跨千秋
鐘街踏月幾紈袴蟻聚雀噪纖可羞便欲長驅到黑
水蹴踏萬里駭氈裘崑崙奪關政今夜上元三鼓催
更籌塞上得失誰得料去時作吏來封侯

景博尋醫江州道中有詩次其韻

羸驂東去萬重山要訪奇人草澤間金鼎功夫宜靜

僻玉壺身世足清閑殘年願借囊中訣絕塞同憐鏡
裏顏祇恐仙家留客久枯棊一局不知還

詠金節制寶劍

士人金鎬彥家蓄一長劍其遠祖珍當萬曆
壬辰用之殺倭立功官至節制使今二百有
餘年刃若發剛畧不苔澀定寇將作匣中殷
殷有聲邑人從軍者帶以行亦有斬獲蓋稀
寶也

萬甲衝開一道虹鯨鯢斫盡海氛空神鎡不學蛟龍
化留與千秋識戰功

萑苻鼠子敢橫行中夜風雷匣裏鳴恰似文淵投老
日慨然披甲請南征

詠金烈士事

節制之孫國寬以武勇聞深河之役從金將
軍應河同日立懂走回人申忠業日擊而道
其事見載邑誌

深河高柳老難僵猿鶴悲吟古戰場長遣胡兒澆馬

渾三韓烈士死堂堂

蒙古入汴陳和尚力戰不屈而死蒙古將義之以馬湮爵而祝

曰好男子他日
再生令我得之

華陽鉅筆日星懸夷夏高名仰鐵圓未遇韓公賡後

敘誰從楚國傳先賢尤菴先生撰金將軍碑烈士事未及概見故落句云鐵圓鐵原

山羊會道中

愁待交符遠欣逢命駕晴
乍暄關柳動過雨塞塵清
鴨水纔濡足燕山可勒名
鄉園終繫戀碌碌愧書生

阿耳鎮受降亭

水似蒸湘合亭疑朔套臨微風灘響玉高月浪翻金
設險關防壯開荒策畧深太平烟火盛菑畝遍喬林

漢之朔方今稱河套有唐時所築受降城

藥山東臺

百折藤蘿外危臺一爽然躋攀天闕近呈露地球圓
海望收齊魯郵程走薊燕安陵纔莽蒼沙際見人烟

清川上津口占

沙頭立馬候津船粉堞朱樓聳半天
赳赳西風吹五兩博川鹽藿上熙川

百祥樓

名樓舊相識十里望層城野濶春天肅江深午氣清
桑田談往劫萍水感浮生安得驟鸞鶴飄然來去輕

暮春登挹清樓癸巳

老眼尋芳覺轉迷閉門江岸綠蘋齊
青鞋忽被春風

起朱檻來看落日低歲儉空倉無鼠啄時清劇靡有
禽啼開元武德攀何及奎藻紗籠感舊題

三好亭

傳舍幾更閱林亭常寂寥出門聊暇日憑檻正晴朝
抽草紛侵徑飛花緩度橋翳然濠濮想跌坐望雲遙
竹溪來會淵泉洪尚書適以檢船出江上歸路

歷訪席散得一律示竹溪仍呈淵泉

淵泉成伯號

乍解南昌榻同邀元禮舟一時欣促膝三紀悵回頭
志業窮猶遠榮名老更浮眼看朋舊盡天地荷遺留
將赴東京到漢江口號

風傘翩飄引路長玉山秋色迴蒼蒼疎才未必淮陽
重平世無煩渤海良二品雖權慚借紫萬鍾何逮泣
焚黃儒冠忝竊知誰似三十年中五佩章

撻川

戰伐空雲水維舟問古臺龍蛇還幾甲猿鶴尚餘哀
有死能全節無兵可責才賢愚同一歎烏嶺失崔嵬
祇拜玉山書院退宿溪亭臨歸書贈主人

有美巖泉勝經綸百歲長心思森草藁手澤儼松篁
際會違龍臥艱危惜鳳亡深知當日意遺恨在東崗
用壁上犀字韻

臺山集
琅玕珍樹碧萋萋鸞鳳餘輝仰古棲緬憶荷衣西塞
日滿城勲貴幾貂犀

好惡相傾苦不齊聖賢從古嘆棲棲佳人見妬終何
罪只坐眉蛾與齒犀

妙契曾思輒手題子規晨月皎林棲牛車後載知何
物不是明珠不是犀

書厄頻經古迹迷六丁天遣護巖棲 仁宗墨寶山
輝玉陶叟毫鋒水截犀

遙夜風琴寫玉溪小亭留客似寒棲虛明一氣歸方
寸淨辟塵埃不用犀

堂構相承遠有稽萬鍾應不博幽棲但教象類稱麟
鳳莫倚爭強足兕犀

一勝堂漫題

秋盡鷄林霸氣寒月城遺堞認微團山川第一徐耶
伐人物無雙大角干富擬甌吳曾樂國任分嵩洛亦
穹官荒餘牧養關宵旰垂老懷章愧素餐

鷄林客館

萬劫英雄盡三秋客子來鰲山猶北拱鮑水不西回
已矣爽鳩樂茫然遼鶴哀圖經述興廢舊職在蘭臺

次前人韻

斜日朱欄喟獨憑始林王迹間初興鴻荒立國迷朝
市龍漢經塵幻谷陵古郭曾悲千歲化高臺又屬九
秋登悠悠代謝誰無感除是飛仙與定僧

鮑石亭有曲水流觴遺址

灰劫聊將石與言羽觴餘瀝沁苔痕水心不見金人
出門外翻聞鐵馬喧瑤海當年非遠狩驪山今日是
荒村風流自屬林樊事誰向蘭亭刺醉昏

兄山倉歸路歷登蔣氏萬歸亭聞永陽宰洪壽

卿者變以昨日過此有懷簡寄

傍海魚鹽地清江鷗鷺天家居寧換貴樓坐欲登仙

蔣詡元開逕洪厓擬拍肩扁舟惜解纜雲樹意茫然

雲广山人躡屩遠訪

意到何曾憚遠程百年棕竹慣橫行山川映發多新
興冰雪間關見舊情古調哦松懷玉寶斷碑摩薛讀

金生雲庵萬首留餘債且待鷄林一集成琴松亭在
金鰲山頂

玉寶高彈琴下鶴處昌林寺有古碑無字金生所書
趙子昂跋云雖唐人名刻無以過之皆新羅古蹟

詠新羅三物

奉德寺鍾惠恭王所鑄重十二萬斤撞之聲

聞百里有刻銘翰林金弼奚所撰偉麗可誦

今在鳳凰臺下為晨夜啓閉之節

萬石洪鐘百里聞
弼奚銘頌亦高文
蒲牢不似金甌缺
猶向官衙報曉曛

石槽與輪寺故物也
以戶曹鑰尺量之長八尺
廣三尺六寸許
今移置琴鶴軒下
舊種白蓮云

曉月依依墮白蓮
石池虛倒鏡中天
憐渠老壽堪呼丈
曾見蕭梁建國年

東京舊有白玉笛
世傳麗祖取入松京聲不出
命還之故處而樂工能摩者亦世僅一人
其事有無不可知而後經火燒破碎不傳今

在者乃碧玉笛
本朝肅宗時得於地中者
文人賦咏猶冒前事未免爽實而要之亦羅
代舊物也有三處折傷用銀綴束吹之勁亮
異於竹聲

岷岡焚玉亦堪悲
古器犍爲後出奇
等是當年霓羽調
教坊能得幾人吹

皇南殿次板上韻

旗蓋東南歛紫黃
應期禪國亦賢王
香車寶馬空春夢
敗堞崩臺自夕陽
古廟丹青徵日表
歲時牲酒屬年荒
錢塘十萬全肝腦
遺澤千秋未可忘

敬順王九年與羣下

謀降高麗曰國弱勢孤不忍使無辜之民肝腦塗地其八松京也香車寶馬連亘數十里

除夜限韻羅字林宗用新羅

劇牒今辰訝雀羅綠樽紅燭許經過深知節序催人急閒憶平生閱事多末謝簪纓猶道路正憂溝壑豈絃歌新春一喜忘頭白衣尺銅龍問幾何

元朝疊羅字甲午

清晨旗仗儼星羅殿字牌前賀歲過五夜青綾回首遠百年黃卷負心多浮沉末路從他笑生老升平可以歌說與西曹寬一適使君今日飲無何時有營關禁釀尹舍杯盤滿眼羅古來迎餞幾人過荒年士節傳春

樂選世官名愛酒多採俗思賡荆楚記傷心休奏雍

門歌玄琴玉笛今吾有如此良辰弗鼓何新羅時有百結先生

隱居安貧歲時無粟可舂援琴作磬聲傳之為雅樂酒多羅初官名

翩翩綵服疊香羅問寢晨興學鯉過頭角崢嶸能許

大性情涵養更宜多田菑異日看修穫車壘明年欲

舞歌巫峽重峰崔學士試將材業較如何屬稚子

古色天然謝綺羅百篇神速更誰過元章詫石奇逾

出韓信治兵辦益多老去孤琴應寡和歸來長鋏且

休歌官梅日夜催詩興肯數當年水部何屬雲

天星軫角愧曾羅伊昔高軒賞賦過刮目元來三日

足抗顏今已十年多衣冠本業須文史韶護遺音在
詠歌眼看飛光同逝水青春不力白頭何屬李生
頌章
未要青詞謁大羅百年夷險信緣過生逢舜世終難
訣後有堯夫豈用多鴻鴈堪悲中澤詠鳳凰誰撰卷
阿歌滄洲萬里雲霄戀欲向金門問夜何

正月之三雲广周甲日也舉酒相勸疊前韻爲
壽

芳年游躅眼森羅誰道弧辰此地過步履全忘惠州
遠詩篇欲較劔南多光陰似水俱衰鬢酒肉如山且
放歌却恨當時經濟筆漫將華袞讓常何雲广皆代
人草農政

應吉疏褒批除官
時正廟盛際也

結束紅裙左右羅微風遞送酒香過應添白也千篇
捷未害淳于一石多新月初生宜照舞曙星猶爛莫
停歌松壇水閣題詩處行樂如今問屬何

鴻冥曾避澤虞羅驥老寧辭伯樂過莫道名場流輩
少未容清世隱淪多今春溧水傳新作茲土邗山有
古歌白首囊書知所負不須煩問秀才何時值大比
勸赴京舉

新羅樂府有余邗山歌宴登
科者唱以俯酒見東京誌

人日雲广有作又前韻也其健不可及聊爾效
顰

臺山集
奇文僻事苦蒐羅一韻滔滔十首過題目更逢人日
好卷編應到甲年多梅花柳色非遙寄流水衝星許
共歌牽率新詩真漫興近慚皮陸遠羊何

正月十五日夜拈白集杭州韻

十五今宵月天街憶舊遊清光千里面佳節一年頭
歲儉稀開宴春寒榻上樓蕭然燈下飲不似吏雄州

觸目偶成

簿領如雲掃更堆不知春色暗中催今朝始上東樓
望開遍墻陰一樹梅

雨中遣懷次白集送令狐相公韻

一字何曾補袞衣白頭緋玉漫光輝龍鍾已覺神仙
遠骯髒終羞妾婦歸卷裏爻占觀損益鼎中鉛汞悟
沉飛平生學道無新解差喜凡情老漸微

戲做元白二公誇州宅

王跡曾聞並漢唐邑容猶見比蘇杭千年節鉞東京
府一國笙歌左教坊綺食珍烹兼海陸曲房飛榭愜
溫涼若令元白遙相問鼎足輸贏未可量

踏青日次城上夜宴韻

衰懷倍惜三春盡舊俗猶傳四節遊病枕光陰長孺
閣異鄉風物仲宣樓暄餘好鳥誰相命雨後濃花自

不休莫問當年車馬處五陵芳草使人愁羅時都下有四節遊

宅為士女遊賞之所

跨月望霓終日釀雨霏灑而止悵然有作

小雨難蘇兩麥乾愚民錯道是天慳誰知上帝瑤宮裏呼召風雷正未閒

對酒和雲广

休將衰白問羣仙對酒聊歡此日筵海殿池荒無鴈集竹陵碑臥有牛眠英雄百戰悲沉戟文物千年惜斷篇聞說郎徒多羽客尙疑笙鶴在寥天臨海殿鴈鴨池皆新羅宮苑勝地味鄒王陵稱竹長陵羅時選年少羨男號曰花郎或曰國仙使各率徒眾周游山水以觀材

器能否所謂孝宗徒永郎徒是也

次元集寄樂天韻送雲广

長亭飛絮雪紛紛纔送春歸又送君軒駕徒勞千里命姓名誰遣九重聞鰲鈎海上收明月鶴料山中墜白雲最是琴堂風雨夕不堪孤詠坐宵分

別夕又拈景申秋韻

東都迎送地好客似君稀俠士蒯緱劔騷人芟製衣未成鵬北運翻作燕西飛底廈平生願深嗟到手違又拈嚴茅池塘韻

劇務經春減閒情入夏多園思畧薙竹池擬盛栽荷

靜院琴招鶴高樓笛息波此時君告別惆悵更如何

招鶴息波皆新羅故事

次知通州事韻

當年設置儘雄州凋瘵于今已到頭省稅居常煩檄
劄吏逋強半犯徒流民多失業憐鳴鴈官或推恩笑
見牛萬事不如歸去好孟諸漁釣本悠悠

蔚山聞喜宴用養士齋酬唱韻吟贈主宰閔寧

仲致文兼示尹上舍秉頤

羣紀交情向老深鶴城何幸近鷄林庭詩過鯉初升
學官酒留髡欲解襟沃野桑麻春有脚大江簫鼓月

當心高朋更得騰蛟客占取新題續舊吟

芬皇寺會李淑汝鍾祥禹玉瑀祥義叔琥祥三

昆季講庸學近思諸書臨散拈老杜韻

未許朋遊緩非關公暇饒君能隨谷鳥吾欲賦場苗
玉樹憐交映天花喜迭飄慙歲寒意相勗在蘭蕭

瞻星臺

善德女主所築在貞觀年間下圓上方空其
中以通升降高可五六丈石級齊整宛然如

新

媧皇鍊石語非經武氏天樞德未馨摠向忉陵輸一

筭露臺千尺爲看星

拔地巍峩象鼎爐中天戍削聳稜觚真形獨按千年
故不用明堂玉帶圖

發東京至阿火口占

客意催程早人情出境遲停車謝村餞下馬答巒詩
自媿吏能薄誰言民俗漓汶亭觴咏地回首更移時

朝陽閣夜宴走草示主人是日七夕

朝陽閣上夕陽杯直到天明醉不迴却笑雙星河渚
會一年逢別片時催

聞慶縣遇雨

喜雨渾忘滯雨愁峽田高下看油油經年飲啄那無
戀頻覘南雲問慶州

少憇交龜亭雨餘湫瀑益奇壯

誰向山靈預報期餞行排出瀑泉奇等閒聽得前宵
雨老手深情却不知

赴任江都敬審仙源先生殉義碑志感

飛樓坐押祝融班不遣胡塵染漢關留下聲名轟宇
宙尙疑霆霹在人間

似水朝東鐵指南望中朱閣肅停驂龜頭莫問如干
尺雲表摩尼屹並叅

江流已是百年安城郭陵夷草樹寒不識雲根何氣
力尙令人髮凜衝冠

萬物無如金石堅亦知銷泐未千年仙源大節三洲
筆看到窮塵幾改鑄

心不能哀淚不墮詩人閒說羊公碑南門樓下壯夫
涕有此山河無歇時

萬古夷齊一有之吾家二老儼肩隨鞭建臥雪參差
跡還恐西山少此奇

洗心齋敬次農淵二祖板上韻

間世孺箎盛聯床復在茲兒孫忝旌節州宅領園池

鶴表星霜遠鴻泥警欬疑隨身有二集尊閣儼書帷

伯從高祖忠獻公以肅廟己卯居畱是都羅
夫人尚在堂農淵二祖自漢陰蕪溪逃來侍奉

右農巖韻

古色森喬木幽情湛小池交輝曾棣萼棲宿尙梧枝
伊洛微言絕滄桑感淚滋空將朱瑟歎重拂碧紗詩

右三淵韻

拜寧遠伯影堂次槎川韻贈主人李五衛命集
壬歲東人幾靡孑誰其蕃之李忠烈英姿有肖訓有
受老太傅握遼陽節昔聞公名今拜像顏髮七分無
欠缺嗚呼北方不可以托此袞衣來作東人悅

李提督謚

忠烈

陽川東軒感舊留題三首

莫以官居冷猶懷坐席溫老親毛義檄稚女向平婚
 哀樂今如許升沉可復論眼中東逝浪隨淚映窓軒
 樸陋誠無比經過輒有情階行詢舊植亭坐愛新成
 去謝蒲鞭化來慙竹馬迎當年已華髮衰白不須驚
 東閣題詩處細梅幾度春親朋半丘壠衰疾獨風塵
 桃觀來能又蘭亭跡已陳迢迢鶴山子生別更傷神
 掃阡志哀

霜露空山秋氣高北風吹淚落旌旄萬家守墓三牲

祭至慟何曾減一毫

材不宜時養已違更將何說戀朝衣瀧阡片石猶須
 後遺恨當年未換緋

峒陰歸路吟得丙舍所拈城字簡寄抱川沈明

府敦詩興祖

曾憑邸報賀專城却向官街問驛程甲水旌旗慚重
 客卯山桑梓比編毗毛公奉檄何由羨陶令携壺且
 盡情風雨餘生霜露感對君傾瀉到天明

次景守見示懷淵閣韻時相公在長湍山下過

周甲揆辰

親賓休獻老星圖自是天人降昴弧歷選昌朝純佑
日例將黃髮餉公孤

知音當世敢求餘顏面雲泥奈日疎一自都人加額
後數行兼斷器之書

青春玉署事茫然聯劄時看野史傳記得平生傾倒
處五更宮漏一燈懸

晚節分司擬樂天白頭閒遣太平年裴公有友堪千
古長慶詩詞不用傳

南池三絕驢荷西老人玄斯文

益祚

歸延安

自有南池便有荷幾人於此費嗟哦無緣喚起蘭苕

手來看鯨魚萬里波

摹香揣色十年忙捲盡平生錦繡腸未道花神無報

謝八旬紅頰似張郎

春明衣馬限飛騰家住湖邊老採菱誰識蓮花新博

士放翁千載有交承

純宗大王輓詞

心法三言正躬行一德誠令聞周世子聖歷魯先庚

艱大承基早聰明撫運亨至歡供兩殿殊遇接羣

卿禹食菲無斃堯衣澣不更春和頻議貸秋讞輒求

生簡策沉潛富經綸密勿宏敷文麾狄教揚武息潢

臺山集
兵白日高能照玄天蕩孰名燕謨分聽斷鴻號薦尊
榮福祿光前牒規撫儼後程重輪悲遽晦八柱仰彌
擎哀戚元根性憂勤奈損精侍臣瞻玉色氓庶喜鍾
聲紫極驚纏綬青臺惕荐轟號咷傾海域奔扈沸宮
城理實難謀信天胡厭太平歷年殷祖甲議樂漢西
京盛德垂惇史豐功紀謚旌臣民餘覆露 宗社藉
盈成黼翬魚催躍珠丘象報耕雲鄉迷處所輦路久
屏營初服叨簪筆芳年備選瀛謾聞陳一得親見擬
三英生死瞻雲陛行藏感雪莖珠旒違呢覲琅牘替
哀鳴永謝從龍會虛齋蓐蟻情罷臨收涕淚中夜獨

霑纓

燭下限韻 乙未

有俸仍家食無才幸世安
誤恩雙綬重逋債六經殘
尙怪耽詩癖多慙問字難
白頭時一笑驥子眼中看

落月

落月淡餘暎蒼蒼門柳疎
坐連秋岫靜心與遠江虛
城郭憐歸鶴波濤羨縱魚
世緣那盡遣酬應在詩書

百慮

百慮生秋寂孤吟坐夜分
親朋多逝水世事幾翻雲
江瀨無時減村鷄每曉聞
鬢毛渾白盡鷗鷺始堪羣

將向江都吟示書塾諸人

齒墮慙朱紱身藏戀玉壺未成安坐席翻作問征途
林草元宜鹿江湖豈少鳧小園菘芥地秋晚恐全蕪
哭鄭景守四首

喬木傳聲遠崇蘭擢質奇
嚶嚶元志氣滾滾更文辭
白屋袁安涕蒼生杜老悲
卽今那復得腸折悔深知
聚散中年異魚鴻表不忘
長牋皆出悃忙草動成章
總許宣公手多由晦老墻
平生幾束筩一一在吾箱
五十飛騰景回頭已水雲
龔黃聊試績元白僅留文
記夢徒傾藿箋詩未獻芹
三朝多皓髮軒駟盛紛紛

孝悌知無間聰明會有傳
堂高悽夜哭廬冷子髻年
黃壤應留恨蒼穹未見憐
悠悠顏跖報從古付茫然
病起復適江都兒子騎驢而從

枕簟江村僻舟車驛路光
三旬初出定八月正新涼
岸隔蠶頭遠潮通鷺尾長
歌吟有孺子秋望共蒼蒼
二客至携登城樓

元帥黃花酒詞人白紵秋
關河無擊柝江漢有輕裘
薜荔垂山堞龍蛇動水樓
醉唸連蟋蟀更喜役車休

時城役告完

九月初吉行長寧殿秋奉審曝曬外閣圖書

臺山集
日表陪 真殿奎文直禁園規模茲地宛班序幾人
存江海丹心折風霜白髮繁新豐比鷄犬老眼識金
門

尋積石寺道中呼韻

小隊秋風裏屣蹊十里懸參差攀落景縹緲望諸天
訟許沿途聽詩期到寺圓霜稭垂半穫曲曲見平川
登西臺欲觀落照雲陰不果

若木定何地迢迢積水西正襟當赤道縈帶望青齊
莫惱浮雲掩真傷落日低歸筇蹋初月山路未全迷
敬次三淵集感舊棲韻

二祖匡山讀吾家紀盛時清秋駐鞍馬靜夜撫床帷
古佛堪修好斯文孰起衰西樓但荒礎難覓舊題詩

下山又次先集韻

招提真法界高枕看浮生海日殘年色林秋終夜聲
風欄倚今古雲岵擁縱橫強說安禪好無如世務縈

江都餞歲敬次農巖集韻四首

丙申

拘官已歎性情違報國重嗟氣力微未臥田廬終是
客若浮滄海竟安歸韶顏待酒難常好短髮經梳覺
更稀何限平生歌哭事燈前思量摠依依
街鼓怱怱打五更曙光燈影遞微明殘年跡可投閒

散少日身曾見太平筭到榮名思已爛閱來憂患夢

猶驚公私百感偏今夕 聖曆元陵紀我生長寧殿

宗 英宗兩朝御真是日以獻官行元朝享事余生

丙申 卽 英宗在宥之五十二年今年恰周六旬

懶向都門踏軟紅薄游聊復走西東磨殘歲月舟車

內刊盡文章簿領中獨夜情懷惟臘蟻一年消息又

春鴻瓜期欲報翻柔戀浦戶何時免訴窮

枉擲青春歲月閒白頭塵事却相關難追喜起夔龍

際強學清和夷惠間禽力何堪填巨海草名空憶在

深山新梢漸長南階竹要斬漁竿老碧灣

尋傳燈寺宿西寮

風雨徂春易文書遣日難名山久相待乘興獨來看

石逕危通屐松門敞解鞍衰軀訝却健雲臥不愁寒

三月三日登摩尼山絕頂有石壇兩成高可四

丈長廣如之傳為檀君祭天處

積石浮雲表檀君事杳微人功能許大天險已全稀

帝座呼應徹神州望欲飛冠童隔春暮風詠與誰歸

兒子與同社數
人有期未來

秋夕省阡修歲事寅兒勝冠從行

六十年前赤子身豈知無恙到今辰斑衣已謝能言

老朱紱雖來可及親菽水當時頻結恨楸原落日獨

傷神茲行一事差堪慰巾服頽然背後人

金水亭中秋夜期青城明府不至主人赴舉獨
坐至夜分無聊有吟

久挹名區勝寧辭客路忽羊腸忘歷險驢背悔稱翁
仙吏芝輪隔山人蕙帳空金波荷專餉遙夜抱堪終
明府夜深始至復携出亭上月已過午次東淮

板上韻

皂盖來何暮霜溪獨夜心懸燈方小榻移席更高林
暗露看交濕明河聽半沉最憐端正月通曉絕輕陰

訪李穉尊

道在

易安齋留題

吏部門臨澗水濱菊籬松逕淨無塵皓鬚全學商山
老蒼耳初過范野人晚飯寧辭淹落日倦吟休笑和
陽春不須搏捨淵明盡看取君家境界新
幽襟鬱鬱向誰寬林屋江村易地看天末幾曾懷李
白雪中今得問袁安鷓鴣有託吾猶羨麋鹿同羣爾
底歡喬木家門葵藿性勿云能事了休官

讀李審夫

正履

海嶽詩卷戲題其後

丁酉

咸英豈不美聽之每恐臥鏡吹起漢魏神夔亦無奈
大羹禮所上苦乏鹽梅和後出食多方濡鱉煎鷓鴣此
言詩必風雅盖亦苟爲大天階邈難升初非繫勤惰

少陵號取近古今能幾箇所以退之黠變格不憚澆
湛思出奇譎勁力費掀簸轟轟百面鼓碎碎八角磨
蛟蚓並收蓄珠霧雜噴唾寥亮九臯唳忽以昵喃佐
然後性情暢絕倒傾四座雖違古繩尺君子宜觀過
沿流逮汴宋一轍循程課蘇黃與陳陸譜承如伋軻
紅羅儘文明此道棄則那七子不自量千句強擔荷
衣冠飾楚優車纛尊越佗袁錢又矯枉孤寡泣坎壈
一墮此鬼趣百劫困春剉高下雖異科貶黜合同坐
誰能主夏盟中立整廟个我魯不能詩利害粗看破
但恨坐談耳大嚼不救餓有時却狐疑卑之無已懦

英英桂山子夙性超塵堞勿嗔老友僭巾角曾識賀
駸駸見可畏納拜諒非笑今朝得鉅軸健馬汗負馱
金剛萬二千椎碎入包裹山浦吊南巡杼柚哀東瘴
令季實卯君雲錦迭曳拖知音有沆瀣鋸錫森切磋
爛然羣玉林投擲皆奇貨無論製作盛匏竹不勝播
貴茲擇術精萬全無一蹉從今庶自信不患孤軍挫
詩工乃臻此一遭那免呵薄言觀南海青門隔紫邏
聊贈太顛衣肯學澹庵莖釣竿拂珊瑚鯨魚掣堪剝
歸來定富有璀璨溢襜頽願君續嘉惠宏麗窮馭娑
細論更有味滿甕當釀糯

鶴山遠訪江上相阻十年喜可知也余適病咽
喉妨於譚吐鶴山又患贖信宿聯榻終不能極
意披寫別後吟寄二律聊効坡公手眼故事
瑱塞金緘摠拙謀兩翁天趣叶相求元無妙論資傾
耳敢有危言怕轉喉堅白爭鳴吾已厭雌黃都遣子
何憂欲知賓主蟬聯意半在盱衡半點頭

次鶴山寄示韻奉酬

踏遍炎洲與雪山散脚聊復寄朝班寧愁舊步違青
瑣且幸新譏免素餐比島無才空自苦晞顏有事敢
全閒已知鼎器今都毀猶向丹家講九還

中秋夜在堯山丙舍沈明府携酒來過臨別呼
韻得秋字

平生不負雨中秋直爲風流有隱侯振策溪亭真爽
朗把樽出閣更清幽龐公上壠應長值嚴老分符可
借留試問明年今夜月片輪何地共離憂

重陽後四日鶴翁携面嶽洪元來面嶽出門可
教號比河清秉燭聯枕相視如夢寐遂拈韻同賦以
道懽洽

春亭床榻宛重回遙夜談霏錯駟雷明月不知何處
落黃花如待故人開浮生過眼皆雲水衰世全身是

草萊已許青驢諳小徑可能無意到寒梅

詠初月

姮娥間何闊舉酒問平安玉貌能藏用水心已見端
神隨庭露炯眼入嶺雲寒誰識青冥外長懸一面團

詠片雲

縹緲棲空碧悠揚駐晚晴山川呈獨秀簾几落餘清
幻悟軒裳跡浮憐竹帛名作霖知己倦猶似戀蒼生

旅鴈

秋士無端易白頭數聲誰攪夜窓幽哀腔定寫胡兒
笛清淚應多楚客舟南徙將隨鵬共逝西飛不與燕

相謀知渠六翮難拘束聊託炎涼試去留

同庚四君子詠 并序

丙申之歲余齒周甲監于遑記採同生是年
者於梁得陶公弘景於宋得文公天祥於
明得王公恕於 本朝得栗谷李先生珥錄
其本傳行狀合爲一冊以資論世明年丁酉
各撰一詩附末取顏延之五君咏之意題曰
同庚四君子詠

通明賦異操弱齡慕松喬求祿悟差舛遊山喜輕趨
秘笈窮道妙崇樓謝塵囂金砂助合丹頗賴蕭家饒

聊酬折簡問肯赴安車招研朱點太清告示亦昭昭
惜哉臺城帝金甌擁虛驕方瞳炯晚照千歲未言遙
唐人紀景申玉衡貞午杓紫烟想氛氲青雲仰沈寥

右貞白陶公

宋曆僅三百運氣一何厚范韓鍾已多程朱降亦偶
誰知大亭育更在端平後滂洋乙卯策賈董亦汗走
行藏繫國命四十方左右崎嶇虎尾蹈灑落熊掌取
烈士與名相居一足不朽雲霄耿獨立萬世仰悠久
令辰五月二日軌加神后一觴敢言酌鴻名拜山壽

右信國文公

有明十六聖 太陵實亭午孤卿萃衆正麟鳳蔚毛
羽時雍本兵柄廷珍長憲府頽綱振成化餘澤逮威
武借問曷臻斯精選一吏部王公漢長孺瑰望夙台
輔剛腸唾糊老直氣摧璫豎初元起留都龍德配二
五柔兆閱幾甲長曆溯 成祖癡思與高宴健噉觀
器宇

右三原王公

左海屬文明中興啓 昭敬風雲赴會捷河嶽毓氣
正田龍協娠夢山月光幼咏思回九夷陋親見二典
盛嘉猷著歷試殊遇摠庶政難醫涑水疾未息甘陵

臺山集
競微言載方策朗照徹心性少小不自量弧矢意頗
勁鄴閩悵異代牛斗喜同命徒然長馬齒白髮覩窺
鏡

右栗谷李先生

金進士渭師

尚鉉

投惠二律陳義甚高非拙陋

可當吟賞之餘次韻却寄事異還圭詞慙報瓊
亦永以爲好焉爾

行藏坐閱六旬回觀玩平生在洊雷未具扁舟浮海
去却瞻衡宇向江開極知構廈饒夔離長憶編書共
晦萊歲暮園林逢一笑百花看後有寒梅

至日敬次農巖集示院中同志韻二首

聖人貴悔過書未進秦穆一念發甚微千里應之速
要言闡至象大哉不遠復轟然半夜雷萬化此亭育
韋編儼對越瓣香藹盈掬願持三字符追補十年讀
凝陰積孚豕短景極牽牛端居玩物化又見天一周
深知氣機轉敢歎歲月流人心有濬闕清沼出污溝
寧憚一日克自甘三考幽寒梅凍欲折作藥方未休
消長本一理觸目斯可求

詠紅梅

一室雙株儼弟兄各將顏色媚冬榮不妨喚我麻姑

手隨意丹砂擲米成

仙娥不耐玉樓清天酒流霞悔竊傾小過人間成謫
墮醉顏羞頰更風情

列屋嬋娟孰出倫漢宮圖畫亦難真紅綃結束纏頭
錦記取梨園第一人

天然純白謝時粧處士家中老孟光存得周南樛木
意侍兒紅拂立邊傍

太姪次東坡梅花詩韻和之

菰蒲叢裏三家村好人不見勞心魂賴有梅花美如
玉朗然一洗塵眸昏羞將蘭蕙並南國肯與桃李爭

東園入室相看兩莫逾坐令窮臘回春溫一團香凝
閩苑雪四照光射扶桑暎姬姜媁約有如此曷不百
兩歸高門江潭潦倒得無恨花不能言誰代言且酌
芳醪對花飲瓷罍不謝金爲尊

春雨使兒次杜詩韻漫吟以示戊戌

誰道春猶遠居然一雨生柴荆霑有色冰雪破無聲
灑逐朝雲密霏兼夕照明峽江流渙渙連夜赴
城

歸自峒陰臥病涓師遣書相問副以短律一首

次韻酬寄兼申家園賞花之約

病臥依檐旭行歸帶峽雲故人能見訊小札亦佳文
下榻真徐孺登門豈李君晚花香易歇扶接待蘭熏

疊雲字寄渭師

世路饒榛棘人情劇雨雲懷珍那免罪衣錦不須文
元氣終能國英才少似君山天觀至象家學勉餘薰

渭師曾大父韋菴公專門
大易所著有山天易說

閏夏上旬尹洪二老友不期並至

衡門深閉似封泥槐柳濃陰靜日西終歲庭看羅雀
設一時階到轡駢齊簪萸已卜明年健秉燭休辭落
月低正是江村留客好萬船雲子簇湖堤

野酒猶能綠衰顏可復紅論懷逐年別話舊幾人同
全盛開元事真淳洛社風蒼茫眼前意江漢尚飄蓬

次太姪韻

綺紈難近雪水膚林下簞瓢是玉吾罕見芳名歸紱
冕多聞大業起泥塗冠非用越誰譏裸瑟欲干齊奈
好筭記得東方千騎日佳人二十字羅敷

詠白鷺

會隨遼鶴度千年晚落滄洲管釣船何處雲來新霽
後有時山立夕陽前涼湖賜浴甘天放粉筆摹真厭
俗妍鬢髮相看成二老幾回明月伴孤眠

詠鶯

氏號倉庚別言談吉了明柳深難辨色花謝若為情
款曲尋江榭喧繁憶帝城弊衣如改造金橐不辭傾

咏牛

明農已許百夫同引重兼令萬里通家畜鷄豚看
在下天星斗女仰居中金籠錫服堪承寵玉粒登餐可
念功牧養全稀屠宰盛弊風安得革吾東

追輓復元齋俞公

星柱

宿學端宜在選抄高才不合老蓬茅遺編幸得雙眸
刮並世嗟違一臂交寡陋吾甘了翁責沉淪誰解子

雲嘲書香賴有賢兒續千仞崗頭見九苞

神州被髮百年餘異學侵陵是亂初始譯洋書誰作
俑不排姚說我其魚要言已足膏肓砭全集寧甘篋
衍儲東魯斯文知未喪瓣香清晝整冠裾

紀夢

夢持綾被直內閣風欄畫靜翻紅藥院吏傳呼大
駕至顛倒朝衣不暇着走伏階下竊仰瞻日表虬髯
儼如昨玉音親宣促進前紫衣辟易黃門却萬言如
絲不一記傍見卷帙丹黃錯得無其中有天藻俾效
芻蕘贊筆削少焉移鑿拜真殿勅令陪班參獻酌

花輒數武忽驚覺落月如海江天廓憶昨初攀鼎湖
弓小臣新進年最弱殊恩每擬報顧復盛德何能忘
寬綽精誠感通發夢寐數月猶恨頗落落自從中年
夢亦稀鬢髮駸駸蒼化矐萬死纔回上林鴈孤生恰
似遼陽鶴今宵此占問何祥巫咸上天不可作弘
齋百編理義藪日月照耀乾坤博鼠齧蟬蝕爾何敢
天誅定被雷斧斫江都福地外秘府幸忝守臣司管
鑰閉門伏讀盡十旬如見龜龍出河洛頽齡敢恨已
凋柳至性自憐猶傾藿但願有道曾孫日夕監于
茲再令大樂還簫勺

秋日遣懷

白露頻催節黃雲正得秋郊原思極目書冊厭埋頭
病怯江居冷衰慚祿食浮近城耕鑿地每憶佛巖幽
疊秋字懷渭師時渭師有疾新起

不見金生久高蟬碧樹秋難開步兵眼誰點淨名頭
道術周餘裂詞華漢季浮林居問何業琴瑟正清幽
月夜又疊秋字

皎皎月星夜泠泠風露秋身閒常郭外心遠獨江頭
泌水賢猶樂滄溟聖欲浮高門盛佩服誰問國香幽
八月十九日過月波亭次主翁周甲壽席韻

臺山集
隔江如聽采蘭歌黃綬趨庭樂事多萬壽逢辰觴豆
曠百年同甲瑟琴和園松閱夏仍深翠樓月當秋更
盛波乘興扁舟來盡日對門藤竹是東柯

書夢中二事寄渭師

客自山中來向我誇寶刀短鏑僅盈咫銛不數孟勞
未曾遇犀兕肯試鷄狗臊空山夜正黑百鬼恣騰跳
中堂儼高懸肅氣生秋濤少焉月星櫬林木鑑纖毫
嘯呼一時屏通曉睡眠牢我聞歎竒絕神物誠難遭
但恨先生貧無以華佩操蒯緱與木柄裋褐待賢豪
我有截肪玉論價千金高與君作櫪具蜀錦爲其絛

努力待時用未用宜善韜

家中玉腕騮矯然龍爲友深山足水草何羨棗脯厚
主人老參禪趺坐歲時久徒然愛神駿安得試馳走
聞君有遠適方向不記某蒼茫指雲海似躡張騫後
臨歧送之去欲贈何所有曾聞仲由義肯惜外廐取
霜蹄許一展於汝亦無負揚鞭畧西極總轡宿南斗
橫行萬里外人物同不朽論功記發縱頗復相念否
歸鞍有餘力滿載葡萄酒

次韻答池進士

運浩

聞子丹陽卜地幽前爲農圃後書樓綵衣常足居家

樂疏食能忘在巷憂每怪多情尋一老
翻愁少別似三秋城中賣藥誰知處
應怕兒童識伯休

今世論清福何人與子同寢興黃卷裏
畊鑿白雲中仁里身堪託名山意不窮
扁舟繫衰疾江漢又秋風
十一月八日詠小盆梅竹

繁華已謝艷陽時幽獨相憐出世姿
愛淡寧辭無肉瘦戀香甜作有情癡
屏風密護常愁汗硯滴微澆不病
漸早向清芬深注意未應方到歲寒知

渭師和示癡字韻託寄深遠藻思清新
吟玩不已效頌趨課

脉脉雙看歲暮時作麼題品稱幽姿
嚴陵有志元非激王掾無言不是癡
已許深藏逃臘雪莫教流落混春
漸遲回晚節君休怪恐負東皇國士知

已亥元日叅朝賀于仁政殿庭仰瞻
天容退而恭識己亥

致主初心悵已違九天城闕夢依稀
羞將病骨加朝服恭積微誠仰尺衣
玉籍千年新曆數金甌萬里舊邦
畿條風欲散鷹峰雪承珮青芽動
暗菲

雨中窓黑不能看書信筆題六言

讀書願作通儒事主恥爲鄙夫兀兀
至今可笑嚶嚶

望古徒吁

老去光陰可惜閒來志念奚適清晨起誦魯論永日
坐看周易

說話須禁鸚鵡生涯莫學蠹魚不關自已喫緊安取
他人唾餘

中夏堪悲入幽東夷亦恨居陋黃流莫討津梁赤地
難希穎秀

榮名過眼忽焉理義根心赫然不敢有求當世但要
無負皇天

窮通戚戚固妄理亂憧憧亦癡試看奴顏同道可知

孔墨殊歧

未能不食如龜安得長年似鶴經綸或到米薪攝養
畧須茶藥

藏梅穩過苦寒下麥適逢甘雨有戒可令寇消無營
或與吉遇

大道如天不出衡門盡日誰過何妨坐膝穿榻免教
笑皮成靴

三月二十八日乘舟訪淵泉相公于廣津一宿
敘話閱案上詩軸歸用其韻得三百五十言寫

呈求和

朔飈積畏約啓蟄猶寒向冥冥寒食雨半扉駭春漲
端憂類拘繫苔蘚生屨杖居然見紅綠終是大者壯
天人有流通神氣返冲盎明湖動我前眺詠屬遐曠
緬懷東山老丘園筮自養湍波閱新惕峨窠增舊仰
公屏居長湍三年近移廣津
在峨嵋山下故用湍峨二字久留頽昌債聊命剡溪
舫烟津溯空碧鳧鷺不避榜喬松出遠瞻晚花入幽
訪老屋四無垣蕭灑負青嶂入門見起迓几烏喜無
恙何論禮數絕便欲形骸忘挑燈話離合翻倒集欣
愴煌煌 健陵治奎璧屬再旺吾儕幸躬逢年齒又
輩行聯攀桂林枝雙侍蓬萊仗抽書講稷禹義不當

仁讓蹉跎四十年萬事東去浪平陂豈敢議代謝良
可悵眼中春草亭舉隅覺凋喪當時綠袍僚牢落今
餘兩香銷玉墀惹墨渝金匱藏 橋山積霜露未死
涕相嚮殘年問身計理宜各自量台衡竟逼公盖亦
天所貺江湖詎忘憂霖雨方繫望鳴岐鳳未衰臥洛
龍不亢願公崇明德正色勤弼亮長庚破羣晦砥柱
峙獨障銘功薦清廟朱瑟續遺唱非才我何求瘦馬
甘郊放風塵悔蹙蹙林壑容跌宕猶堪徂徠筆作詩
頌 君相

次淵泉過春草亭絕句韻

不到東津問幾春眼中髻白換鄉鄰誰知綠野樽前
客曾是池塘夢裏人

新秋雨霽天氣甚佳連日燕坐不離西樓

雨歇潮回江細流漲痕高下出沙洲商飈儘抵千金
買霽月如增七寶修正喜呻吟蘇注夏不煩詞賦擬
悲秋山筇野屐衰難辦受用清涼賴小樓

秋夜讀書

平生感徂年多在壯老半及茲老已至棄置不復歎
寰區閱去來物我同一玩譬彼天上雲何用管聚散
曠然舌歌意獨與真宰伴遺經撫千古相接如夜朝

其人已灰塵其書尙几案傳神到毛髮隻字不可亂
晨興整余襟對越肅薦盥朝聞可夕死一息何敢緩
况茲不朽事仙聖實同貫庶幾駐餘景騰駕策疲悞
衰軀戒早涼鑪火屢添炭明河洗新月虛白生秋館
雖慚鼎器毀頗覺臍腹暖靈妃倘見顧或不靳一粲

病枕雜書示涓師四首

久病踰三月殘年向七旬形骸徒自累襟抱竟誰陳
離索懷良友艱危信聖人舊書餘記誦聊喜遣遙晨
減睡迷曛旭添癯異朔旬下簾疑隱蜀無食似圍陳
尙厭窮愁語要爲坦蕩人鷄鳴發深省風雨不違晨

臺山集
晚代非無士同聲或遇旬雲從蔚韓孟星聚爛荀陳
老去吾誰與朋來子數人步簷時倚杖寥落玉繩晨

易豐初九遇其配主雖旬无咎旬
均也謂初四皆陽同德相應也

東山高臥處城闕下由旬隣曲違蘇范聲聞闕汪陳
蒼茫儒館事歷落 健陵人不睡憐同病何由共此

晨

屬淵泉
相國

諸詩大旨多屬渭師而渭師索專屬一首依韻
副意

家居纔限郭契闊動淹旬殖學方希立修辭欲去陳
終知英邁士不作路歧人近賀蓬麻盛南村與夕晨

旬字一首先被渭師傳去淵泉和二首沆瀣

洪憲

仲吉
周號和四首復自渭師所傳來依韻謝之

片紙吹風羸行歸禦寇旬多慙副墨誦翻喜六笙陳
東洛深衣老南華隱凡人定知長枕話頻到水窓晨
沆瀣謂旬韻窘竭不復續和另構五古一篇渭
師和之同緘寄來步韻以酬

四朔擁枕衾十旬廢盥洗形骸兀土木混沌竅未啓
萬事何思慮歷數不留抵永懷獨良契巖城隔崇禮
豐山系 穆賓海陽胄羅邸律呂鳳雙鳴頭腹龍一
體門墻錯筆硯隣曲通薪米貿貿雪霜裏青茁見麥

薺薄贈擬投瓜遙勸當酌醴高鴻帶尺素清唳集長
弟玉壺爽滌煩金篋炯刮眯寸筵發洪鏗論價太不
抵昭蘇屬獻發岐嶷仰軒陛搜賢行作肱望古方
拊髀隱士且休歌才子應悔涕羣材蔚擢鄧衆水沛
匯蠡者齒叶筐纒秀骨當門燦明堂會雙薦圭璧配
毗毗如彼牙與期唱和操鍾遞老我尙有耳轟建聽
地底疲蹇職偃息不必走汗泚但願疾有喜少得醫
藥濟孰謂河清遠時來庶可俟白頭沐太平烟波弄
浩瀾

疊洗字再和沆瀣兼補醇溪

李審夫號

行臺別語之

踦

寶玉混泥沙回光在磨洗大道本如天榛蕪須剔啓
狂秦一何愚六籍掃無柢漢興勤補綴魯詩河間禮
博士選吏民名師授宮邸彬彬起馬鄭箋解頗得體
但恨扶疏葉終遜精鑿米美惡雜布錦甘苦錯茶薺
論功當掩過有酒寧廢醴廓清得河南溪師又川弟
紫陽集厥成萬古開羣眯一字力千句賁育何敢抵
巍然九尺堂基級因地陞持衡較銖毫投刃別理髀
平心按新舊所去皆唾涕其餘不刊訓殷輅而禹蠡
奈何小豎輩分門事戈棨礦璞守零殘追琢忌盛毗

亦知不能久時運會當遞燕館盛縞紵此論應竭底
充宗角屢折夷子賴幾泚偉哉距詖功不減疏河濟
歸來上 經席文教贊丕猷晚學借津筏洙源溯瀾
瀾

詠懷又疊洗字

晨興啜淡麵瓶臥盞未洗水雷怕冷徹噉牖禁夙啓
老境亦良苦一癡奈根柢長貧好言義當阨猶習禮
蕭然背郭村僦屋類店邸何曾事諧意况復病嬰體
空階集鳥雀擾擾爭粒米霜凋甫里菊雪壓西山薺
天寒鳳凰飢何處覓玕醴棄置不復道顛連念兄弟

農功失晷潤吏事足聵眯崩奔象井石畢竟安所抵
天衢仰嶢崢萬里深門陞敷言隔造膝宣力違消髀
傾陽豈無性臥雪空有涕甘同一榻寧長羨扁舟蠶
班聯忝伐冰恩澤蒙臨粲紈扇謝披拂瓊珮惜鮮玼
杼丹覬納牖貼黃擬飛遞蓬瀛問何在雲霧迷海底
羲和逝不停夸父徒喘泚於焉悟生理鸚貉限汶濟
陽春會有賞千載我其後浩歌命子墨瀾波瀉渺瀾

又疊洗字示兒

焚香對方策萬念付一洗奧妙雖難窮憤悻終有啓
人生百年內斯學乃根柢居家顧言行在邦講政禮

所以古庠序民秀達王邸風雅研四始典謨稽六體
無是則餒也寧可去粟米仁賢固有窮咬不厭藜藿
時來或龍攄玉食待羹醴試問學奚急堯舜本孝弟
文辭亦難廢金屑宜戒昧發韜苟得路迴闕靡不抵
小子甫離經舉踵纔拾陞須思味膏腴勿憚剝體髀
少惰不努力老悔何及涕吾衰尙嗜書有如齧木蠹
雖慙武庫富寸鐵當矛戣小璣亦自愛囊篋葆璨毗
菑墉戀積累衣鉢思傳遞是以對汝曹諄復每到底
儻能點頭會應發通身泚河廣豈易杭游泳自潔濟
青陽又逼除歲月不我後矢詩亦淺近童觀淵海瀾

呂氏春秋云人不愛江漢之珠而愛已之一蒼壁小璣

次韻渭師梅花長句

我如痿人不忘起結交欲盡當世士自甘林鷓在一
枝誰教陰鶴和千里渭生吐辭花洗膚衡生研經石
透髓城南文會孰主盟老仙蕭灑洪厓子願言百年
託心肝莫以一日論毛齒詩筒札函應不給每月盈
束銀光紙蓬門暴富得無菑定知一病天戲爾縱病
奈此梅花何凍硯又呵琉璃水

疊起字和沆瀣

風人有思託物起雅麗不比能言士強琢詞藻取形

似失之奚翅差千里
濯叟爲詩老更成脫落皮毛得
骨髓古今詠梅凡幾人
高妙獨推孤山子
千年絕響待君續
碧空應粲羣公齒
細字寫來慰病枕
寶露凝香濕滿紙
紙間隱隱若有人
問梅如今誰似爾
箋家妙處在闕疑
不知所指蒹葭水

沆漭詩結句云惟見碧空如遠水

再疊前韻自述

賜也可言商也起儒門
曷少能詩士
想象春風鼓瑟會
倡和鏗鏘滿闕里
惜哉一篇不可見
惟有聖褒傳其髓
吾黨此道幸不泯
大雅彬蔚諸君子
贈報有禮何敢廢
瓦礫或與珠璣齒
但要片言見性情
焉用侈

辭費毫紙却恨生世後
刪述我歌雖善誰莞爾
梅花未謝月未缺
抱琴且臨洋洋水

贊美梅花諸作盡之不容更着言語
往復贈酬之際梅亦凋矣戲成三疊聊發一粲

梅出詩書遠緣起詠花近
自齊梁士頃筐計實羹取
味事詞樸質疑村里厭樸趨
華觀世變態色日勝遺
筋髓况復千篇遞蹈襲
何異東家效西子我欲矯之
寧過直綺語痛禁滕口齒
一樹娟娟澹忘情終歲不
覓題詩紙黃昏聞笛未要愁
也知天意庸玉爾梢頭
青子向堪食漑根願借春湖水

竹溪過歲于廣津寄示唱酬絕句有見懷語依

韻和之

庚子

邨公臨簣說淵水病裏披吟每惕兢艾缺堪從今日
蓄丹遲能到幾時疑

清江不許着塵愁浮世都堪筭旅遊乘興烟波三百
里主人佳處便淹留

禽魚日夜驗天時穿雪蒲芽綠映湄遙想江湖深念
地細推觀玩入聲詩

屬淵泉

四月三日約俞景衡

莘煥

渭師尋華藏寺寅兒

從道上得七古一首

夙興呼僮戒所向南湖宿雨生微漲好客齊來錯履
烏病夫初起試筇杖昨日陰霏今日晴吾游不被天
公障出門四顧麥茫茫已見新苗作細浪柳陰朔開
集射耦葦間舟隱聞漁唱熙熙羣動孰使然一氣同
囿神功盪搖櫓徑度坐沙頭小飲落肺春盎盎細路
縈紆漸入佳笑指白雲飛青嶂

拈東坡虎邱寺韻

妙境不在深明湖帶秀嶺古木象虎邱幽泉似龍井
坡公賦詠處萬里宛森耿清詩誦在口仙樂破池鼉
抽毫擬繼聲零寶困搜礦欣然付一笑萬事悼前猛

方謀定慧融詎屑詞章騁高禪不相待雙樹爲一哽
寺僧有習於內
典者前月示寂二子富文藻波瀾汪千頃豪吟許擅
塲郊島謝瘦冷妍暉旣見召良夜聊可永幽期惜屢
愆風雨妨清景誰知餉更厚纖月步新影得喪聽自
然何煩事干請

禪房左側桃花盛開

園林不復見飛花病枕江村感歲華一簇曼陀緗碧
色風流來攝法王家

下山口占示同遊是日立夏

借榻雲房一宿忙月中高臥戀餘涼爛柯非是荒唐

語迎夏徂春訝許長

太姪與諸詞人賞春夕陽樓誦傳所作次韻

飛簷長帶宿雲棲若木扶桑兩腋低紫極傍連私邸
代青茅仍割大藩齊烟霞福地珠含潤桃李春風錦
濺泥十載漁燈城闕夢駱山蒼翠撫新題

樓朝陽 寧陵潛邸夕陽麟
坪公子第子孫至今世守之

漢上值舍季生朝述懷書贈

漢水不忍飲漢石不忍踐胡爲馬首向使我車腸轉
悲歡百境紛壯老三紀緬駭鱗蕩未寧鋌鹿走不選
臨江一把茅風雨薄言免比隣就親慙祠屋近祖顯

淵明易容安子荆苟居善高堂迫耄耄冷厨缺洗腆
僮課僅秋菜煩功或春繭空悲羽毛譙其奈手足軟
思捐一肚書逝博千步猷甘旨出耒耜千謁謝軒冕
終牽夙嗜好未辦頓割遣南窓積緗素有暇輒舒卷
義海耽膏澤詞囿黜雕篆瓢覓真樂沒齒仰師覓
吁嗟種德薄無以迓穀戩顧况洊呼熊吳隱纔賣犬
餘生奄孤露後事遂終鮮連年鐵嶺輻懷祿至今覲
西門感陳迹南郭隱殘喘歸然老屋子有季持關鍵
柴荆禁浪開薪木戒勿剪那能免還往一舍憚百趼
沉疴臥冬春葭律遞姑洗脾沉苦滯嘔脛削愁痿蹇

疏宣利駕遊扶養勝鼎鑊老矣聽家人床褥起黽勉
行邁有所思心醉如沉洄依依北山杞宛宛東門墀
橋夷斷板壅岸改崩沙演明湖乍觸歛暗淚已墜泫
閭閻半傾倒牢落如經燹東臯小峇嶢簷楠聳可辨
難忘雪臥處尙記風棲篇遼陽萬事非寡鶴悄啄俛
季也識此意好語來撥闡盤羞日旣豐觴酒亦不淺
衰顏爲一破兒態憶雙跣居然共老大僮爾能婉孌
人情貴隨感欣戚非相舛扶筇陟崔嵬布席俯湯沔
難逢棣華湛何減風雪撰垣籬少缺壞庭砌多拓展
吾衰倦應接家務倚分劑繼之慎勿怠綜理到件件

褪身屏綺紈潤屋本鑄錢無令我遊息蕪穢沒苔蘚
亭傳子雲蜀井留王粲峴雖無可歌咏庶或資談辯
佳辰屬湯餅壽語當訓典簫管有來和宮徵振林巘
一杯可酌我小疾真疥癬

雜閱漢唐宋史漫書

一部心肝諸葛表千年涕淚望諸書儒生萬卷矸稜
重誰禁獠狐噉志蝮
歷數唐家輔弼臣宣公鄴老豈多人平生愛讀貞元
史天錫英姿亦出倫
宰相身材一種風老成忠厚自時中劉蕡下第盧仝

死鍾鼓園林臥晉公

少日常希明道高老來方服紫陽豪蘭橈桂楫浴洞
用難試鯨鼉萬丈濤

象山敢道不高明一轉其如萬燮生自倚猿猴輕絕
壁教人跳躍墮深坑

陳葉雖然意見差立朝猶可備蓬麻平園老傳真天
幸晚節閒占黨籍華

莫怪嵬巾福祿全亦知差遣奉皇天瑤宮正議江南
事湖舫紅燈四十年

讀呂氏

名坤萬曆間人

呻吟語

著撰裘池煞費功
弊風元欲矯嘉隆
只緣喜立玄超
語倒落姚江圈套中

寫悶

經生難運手
千斤文士要開眼
一分莫肯弦韋資
互濟各將尊酪鬪孤聞

程朱馬鄭本非仇
何故分門相爾矛
禮秉吾周官問
鄰一團心月仰千秋

博物堪稱一藝強
就中緩急合商量
壽皇儘有知人

鑑不數當年程大昌

宋孝宗經進講禹貢吏部尚書程大昌指陳弱水流沙道里遠近極其詳悉孝宗不悅曰此人必迂斥而不用

放言

支離問答性心疑
瑣細商量葬祭儀
海濶天高無限境
不知曾有一斑窺
心存仁義是儒工
此事何曾異達窮
一自山林成別派
蕩然青紫擅三風

志愧

青綾三載宿雲霄
日夜吾君願舜堯
未報絲恩蒙海澤
白頭無事老漁樵

遙謝中州二士

斷磬殘鐘不自編
偶因槎客落幽燕
梅君品藻何容

易辭事相當擬老泉

梅名
曾亮

傳聞詩禮日沉淪老去無人策勵新多謝南豐吳子

序農淵家學勛先陳

吳名嘉賓寫寄
農淵家學四字

謝絕碑誌文字

諛慙損德貨嫌饕碑版元宜斷一刀始學文章要染
指或牽顏面強操毫求同買菜吾良苦刻便生苔爾
亦勞草罷瀧銘擬麟筆世間何限索錢曹

看碁

簷鈴半日攪閒愁回薄天星火欲流簣委忽驚期歲
久藥扶知到幾時休醫云无妄叅疑信人或相傳孰

喜憂拈盡枯碁三百子輸贏且卜一枰收

看魯論

精嚴藻品析毫塵莫以寬和了聖人好德好仁都未
見賜由難陟一階新

宣尼心事契玄天鍾愛如何屬子淵終是靈明異冲
漠有人看破亦欣然

遣心

常人改過亦包羞天為皇王告遠猷漢詔輪臺傾七
制何如文景但躬修

東京何以百年安大勇能知小敵難瑛驥寂寥戎馬

遠羌兒不識玉門關
成都西出禁焚燒長坂南奔戀白髻仁聖心胷帝王
度此時何必遜祁姚
誦說三英類視釐何曾一着切膚肌相齊治蜀皆心
得黃老申韓偶近之

誦易

玄天何處着摹猜羲畫元從象數來一竅玲瓏千載
晦重關鎖鑰幾時開
象象皆從後聖添當初只用卦形占吉凶能使前民
用遂古人人上智兼

天機揮發聽龜著虫草何知貴不私譬若醫方成集
驗臨時呼喚小童披

形容似近性情遙難把前爻例後爻別項言辭他段
義有時推類脗同條

大抵傳經必待人人亡經在亦終堙焚燒不及階梯
絕此事那能獨罪秦

一理終須貫萬端顯微何處不相干詩書庸學無非
易且習平舖莫揀難

陰陽貴賤大防尊進退平陂顯用存一兩爻辭清曉
誦爽然猶足洗心魂

啓辭

大臣以下伏閣請 坤殿垂簾啓 甲午

臺山集卷四目錄

臺山集卷四

安東金邁淳德宴

疏劄

辭副校理兼論 君德疏 辭職語刪

臣聞觀國之理亂在於紀綱觀世之污隆在於風俗
紀綱誠張風俗誠美雖猝然有敵國外患終能轉危
而為安根本不病故也紀綱不張風俗不美雖屢世
承平府庫充而甲兵利國之危可立而待根本先病
故也 殿下試觀今日之紀綱張乎不張乎風俗美
乎不美乎謂之張且美矣者賈誼所謂非愚則諛也

然紀綱在上風俗在下在上者臣姑未敢言試以在下者言之朝無矜式之賢野尠自修之士經濟勵翼之義夢想不到飢飽寒煖之分錙銖必較私意日熾而公家之名器漸輕躁競日急而搢紳之風節如掃嗚呼是蓋非一朝一夕之故也自初元以來廷臣黜陟之舉民生懷保之政綸綍聯翩教諭諄復義理不可謂不明德意不可謂不盛果能言言而有實事而有效則期月之功宜不至若是漠然而惟其紀綱之不張而風俗之不美也故威焉而人不以為懼恩焉而人不以為感命令徒勤於上而功利不及於下

甚至於簿書期會之末趨走奉行之節亦皆一切趨於頽廢弛慢而不可救夫朝廷者四方之根本也根本如此四方何所觀瞻有識者莫不竊歎無恥者以為得時閭閻細民鄉曲匹士輒皆隱然有輕視朝廷之意譬如萬斛舩艘蕩在洪流篙櫓無寄維絀不完浮沉進退未有所屆而舟中之人不肯齊聲呼邪悉力推挽以求涉乎彼岸方哺啜高踞嘻笑傍觀而我彼此之辨又斷斷乎其間矣倘有衝風駭浪起於俄傾稅駕之所斷然可知臣不暇遠稽前代只就國朝四百年溯源而歷準之平陂升降蓋亦屢矣而

臺山集
要未有如今日之凜然者也然賢者有所蘄望而未
至於解體不肖者有所顧憚而未至於肆意窮閭鄙
屋雖不能無小民之怨咨而庶幾須臾思見德化未
至於公言懟上者誠以我 殿下春秋甚富典學方
勤諒闇恭默未有命戒德性之醇茂有足乎聽聞政
教之疵闕不著於事爲故耳若差過數年依舊佻佻
施措事業無以大服乎民志則蘄望者沮顧憚者肆
方興之怨讟始四至而不可禁當此之時國家之安
危不待智者而決矣嗚呼豈不大可懼哉洪惟我
祖宗積德累仁式至今日我 殿下以聖明之姿嗣

守大業祈天永命在茲初服漆室過計之憂宜若可
笑之甚者而臣猥叨近密出入筵席有日月于茲矣
天地之大河海之廣固非小腹可度而區區寸管之
窺有不敢自外而終隱默者竊矚我 殿下臨朝接
下恒主於淵默寡言而情志有所不通橫經發問時
近於準備應文而誠意有所不續酬應之際不欲輕
示蘊抱而度量或欠於恢廓命令之間不欲遽露圭
角而志氣易至於退縮蓋總而言之則雍容暇豫依
本分之味較多發強剛毅大有爲之意較少臣愚死
罪妄以爲 聖心所存萬分一或有近似乎此則目

下過失雖不形現病根已成符驗難揜不惟於進德
修業之道大有所妨八方臣庶之攢手北闕日夕翹
企者其有不悵然而失望者乎今之言者動以勉
聖學爲第一急務而前後章奏之間聯篇累牘陳說
洋洋者莫不援据古訓出入經傳昌言嘉謨不可勝
計 殿下亦有優批而嘉納者矣第恐條目浩瀚聽
覽易疲道理微妙領會難詳雖以天縱之聰明安能
盡記於久遠而絕無乎遺忘耶若是則雖臯陶矢謨
阿衡作書終亦爲文具而止耳臣請刊落枝辭姑以
淺近明白易知易曉者爲 聖明一陳之惟 聖明

留意而澄省焉人生有至貴之賦與有至重之責任
與之貴而不能踐羞莫甚焉任之重而不能勝咎莫
大焉天以陰陽五行化生萬物凡有形有象而充塞
兩間者無非物也而惟人也得其氣之至秀故肖方
圓之形全仁義之性超然爲萬物之最靈邵堯夫之
詩曰耳目聰明男子身洪句賦與不爲貧其賦與之
貴有如此者旣得此賦與則必須盡其爲人之道使
知無所不周行無所不備德無所不全才無所不通
以至參天地贊化育然後方可以自異於萬物而無
負上天賦與之意其責任之重有如此者無貴賤無

賢愚凡具人之形體者皆當以此存心而至於君上之位則責任尤有別焉大學序曰一有聰明睿知能盡其性者出於其間則天必命之以爲億兆之君師使之治而教之夫天既生此人類矣人類之中又擇其聰明睿知超出品彙者舉以置之億兆之上者豈天苟私一人欲尊貴富厚之而已也蓋將舉所覆而託之使任其治教之責也是其責任之至重豈可與韋布匹庶之人同日而論哉必也躬行心得明明德於天下發政施仁如文王勞來振德如帝堯以至於禮樂興行比屋可封然後方可以盡其責而凡天壤

之內一物之未獲其養一民之或失其所皆君道之未盡分處也夫人焉而不能盡人道則一物而已耳非所以爲人也君焉而不能盡君道則一人而已耳非所以爲君也然所謂盡其道者非強其所無而勒加以不可勝之任也本然之賦與旣在我矣當然之責任將諉誰乎惟患知之不明而行之不能力耳夫明知賦與之至貴則必有不忍自棄之心明知責任之至重則必有不欺自弛之心眼力旣到心量隨恢準的旣遠工程自勤私意之克去必有欲罷而不能者矣善端之滋長必有不言而自喻者矣至若政事

臺山集
得失之裁擇人物賢邪之鑑別特舉此而措之耳毋
求速效毋安小成循序漸進剛健悠久罔有斯須之
間斷馴致歲月之積累則表準所在四方之維附克
鞏指顧所及一世之趨嚮乃正如是而紀綱猶有不
張風俗猶有不美者臣不信也願 殿下勿以臣言
槩視以塞責之常談而閣置之燕閒無事之時試下
數日體察之工又取聖賢先儒之言參合而考驗之
必有犁然契赫然悟有以知臣言之非誣也嗚呼三
代以後時君世主之號爲英明懿哲者亦不可以一
二數惟其無此見識無此本領平生作用各限其血

氣私智之所及故千載之下追蹟其功業所就則譬
如百金之子費心力於箱篋之中十口之家了生計
於饗餼之間齷齪纖瑣不成貌樣而三代盛際廣大
光明之氣象未或有近似而幾及者夫上爲皇天之
所子下爲萬民之父母樹卿士以佐之出貢賦以養
之喜有爵賞怒有刑戮三代與後世無以異也何三
代巍巍之如彼而後世卑卑之如此哉諉之人才之
漸降則人才之作成係於君諉之氣數之漸衰則氣
數之挽回係於君乃折枝之不爲非挾泰山以超北
海之不能也抑臣聞之世間萬事莫不由奮勵振作

而成亦莫不由委靡退託而敗小事尙然况天下國家之大乎是故古之人君有大有爲之志者雖當國家板蕩之後尙能聳志奮力夙夜不懈卒乃迓續景命光復舊物如夏之少康周之宣王是已况今日國事雖甚艱危王府之典則具在民心之愛戴方切此政朱子所謂端本正始自貽哲命之日因時順理乘勢有爲之會也儻 聖志一定勇往不撓則事半古人功必倍之行王而王行帝而帝將惟 殿下之所欲爲而沛然莫之能禦矣亦何憚而不爲之哉伏願殿下毋以世降而自沮毋以年冲而自謙恢拓地步

奮發志氣委任耆德親近正士開明達聰動資方策立心制事常顧民天使傾耳者日有所聞拭目者日有所見盛德大業光被史冊則太平萬世自今伊始而凡今日處在百執事之列者亦豈不與有榮矣乎嗚呼顧念時事憂虞萬端國勢孤危朝象泮渙民生困悴盜賊竊發經用匱竭武備疎弛將逐條陳說圖所以一一修爲之方則更僕而不可旣最是紀綱未立風俗已壞人心靡恃根本將蹶此而不汲汲拯正則雖奇謀異策輻湊於前譬如傳丹鉛於敗素施雕鏤於腐木徒紛紛於觀聽而終無益於治亂之數也

然揀之方亦無在他惟在於恢 聖量奮聖志以
立其能揀之本而已此臣之所以惓惓懇懇重言複
言不敢以煩且瀆爲懼者也倘 殿下不以其陳腐
而斥之則枝葉之詳臣請繼此而有進焉

邦慶後陳勉兼辭副校理疏

伏以皇天上帝篤佑我邦家 兩殿聖疹不日平復
慶溢宗祊歡騰區宇臣不勝踴躍蹈舞之至臣伏覩
詩書所記於壽考福祿之際詳矣而其歸則必于君
子曰皇建其有極歛時五福曰作善降之百祥曰樂
只君子萬壽無期曰豈弟君子俾爾彌爾性純嘏爾

常矣若此類不可勝計夫所謂建極也作善也樂只
也豈弟也蓋莫非君子之德也夫然後有五福百祥
萬壽純嘏之錫焉茲理孔著不可誣也洪惟我 殿
下受 祖宗之託爲神人之主爰初御極時丁至艱
上下憂恤凜焉若不保朝夕雖殷之震業周之判渙
何以加此乃 殿下上荷 太母之光覆下仗老成
之夾贊穆然端拱令聞日彰數年以來天休滋至懷
邪者自干誅黜嘯亂者旋就撲滅雨暘不愆年穀屢
豐此已非人力所及而及夫舟梁禮成 聖女嬪京
乾坤定位萬物資始則根本益以鞏固矣至若今茲

之慶至曠絕稀四三百載僅一有焉而得之於大禮
旬日之內苟非我 殿下聖德至純克享天心所以
求福而致福者暗合於詩書之文惡能與於此哉臣
聞明王之事天猶孝子之事父母也孝子之事父母
也愛之喜而不忘惡之懼而無怨夫父母之愛子亦
常事耳孝子之心不敢自恃每一見愛如新受賜愈
久而不敢忘不忘之實奈何亦惟曰益盡吾事親之
道耳苟或狃於恩愛以爲當然嬉嬉然不加慎焉則
日用之間其虧子職而拂親心者必多矣是則孝子
之所大懼也今天之愛 殿下可謂至矣 殿下寧

可不思益盡事天之道以修其不忘之實耶臣嘗見
三代君臣警戒相成未嘗不以天命靡常爲言而其
反復痛切屢致意而屢更端莫備於周誥諸篇其曰
惟王受命無疆惟休亦無疆惟恤今天其命哲命吉
凶命歷年者召公之告成王也曰我不敢知厥基永
孚于休我亦不敢知其終出于不祥者周公之告召
公也當是時洛邑初建成王始政內無管蔡霍叔之
憂外無商奄徐戎之警四夷重譯鳴鳥在崗可謂休
矣而未可謂恤矣只見其哲與吉而未見其凶與不
祥也二公之言慄慄危懼不翅若春冰之涉而虎尾

臺山集
之蹈焉嗚呼崇而不圯滿而不溢保有天定松茂川
至用基八百年盤石之宗者由此道也伏願 殿下
深監于茲益勉 聖學益進 聖德毋循私意以害
正理毋玩細娛以妨遠圖毋吝纖過必除去之毋畧
小善必擴充之爵祿毋偏於昵必當於賢視聽毋壅
於近必咨於衆人有可斥毋外敬而內疎言有不用
毋貌應而心違毋恃崇高毋耽安逸兢兢業業日謹
一日則事天之道直不外是而馨香上升神聽孔邇
凡天下吉祥善事皆 殿下有也豈但今日之所臻
而已哉嗚呼少愈不慎病必加小成自安德必損惟

殿下懋哉懋哉且臣有區區愚見思欲一徹於黻纁
而未得其便今請附陳之自頃以來言事之章頗有
以頻開講筵數接儒臣爲請者伏惟我 殿下聖質
英明問學夙就乾乾孜孜出於天性夏秋之間停講
雖久或援舊例或值事會皆有所據初非無事而故
停則 殿下之於講學宜若無可勉者而羣下之言
輒及於此臣竊未喻也第伏念學之不可一日廢猶
飲食之不可一日闕也人之於飲食有病則却有事
則不遑及夫病良而事已則雖強之少淹不能也饑
渴切身故也臣伏見 殿下於講筵將始之際輒鄭

臺山集
重遲回有若經營思量而爲者是非 聖心或倦於
講學也斟酌事勢安排時日寧久於停不欲旣始而
有所間斷也然臣愚以爲卽此一事未免與學爲二
譬諸飲食之自不能淹者親切或不及焉由此觀之
殿下之於講學容有可勉而羣臣之於 殿下容有
可以仰勉者矣方當靜攝之日臨筵講讀固非其時
亦願於燕閒泔寂之際時召一二儒臣於前畧去禮
貌從容開懷與之講說經史討論治道時政闕遺閭
里疾苦亦許隨見上聞則不惟開廣聰明兼亦疏暢
壹鬱緝熙之功節宣之方其必兩有所益矣謹稽此

事是 列聖朝通行家法而古昔名臣當上候違豫
之時多有以此言進者惟 殿下留意行之不勝幸
甚臣於逃違之餘獲叨見職依近日月瞻觀耿光豈
不誠犬馬之至願而向臣待罪史局猥參圈事做錯
非細人言峻發至有改圈之舉雖蒙 聖度包容譴
罰不加私心惶恧久而采切顧何敢以時日之稍久
職名之有異苟焉爲自恕之計哉 召牌狎臨冒進
無路伏乞亟許鑄遞俾伸廉防仍治臣逋慢之罪以
肅朝綱焉

擬疏

時有講對文具不必數行之論故草此欲
上以纒有前疏嫌瀆而止後因文義陳之

臺山集
伏以近日有識之論多以講筵之久廢臣寮之疏接
爲憂歎臣竊惟夏間停講自援舊例旋因邦禮之稠
疊繼值 玉候之靜攝雖欲開講有未暇焉則論者
之言容或未量事勢而試以月日計之勸講止於五
月念間召對輟於六月旬前至于今積月爲六七積
日且二百涼生之後占其太半而內院輪直之罷亦
有日于茲矣大小講筵一直停閣除非動駕與賓對
自帷幄近臣絕未有望 清光而承 玉音者臣嘗
見朱子所撰伊川年譜有曰自四月例以暑熱罷講
先生奏言輔導少主不宜疎畧如此乞令講官以六

參日上殿問起居因得從容納誨以輔上德又以四
月罷講直至中秋不接儒臣殆非古人朝夕承弼之
意請俟初秋卽令講官輪回入侍陳說義理以此推
之今之輔導亦可謂太疎畧而無惑乎羣情之以爲
泄鬱也或者曰我 聖上自內講讀專一勤孳有闕
然日章之實自無俟乎臨筵求助且羣下所敷陳未
必有資於開廣而引接之際浪費晷刻旣無喫緊之
效反有妨工之慮罕之誠宜也臣竊以爲不然帝王
與韋布其位雖殊其所以讀書而爲學一也今夫閭
巷匹士稍知以文學從事則輒有從遊往還之人以

相磨礱資益蓋無論讀書與看書苟到熟時便有疑處熟愈深而疑愈多則不能不從人而問此必然之勢也其人賢於我所見所論果能有以發吾之矇矓吾之迷則固大善矣其人敵於我所見所論雖未有大相過而討論是非勘究同異或參差以發新聞或爛漫以契舊得則短長相補通蔽相資爲益自不少矣雖或不及於我苟不至於全昧嚮方則千慮之一不爲無助而往往於反復曉譬之際幡然有得前日之說不到處今却說到前日之思不起處今忽思起邂逅超妙有不可以言語形容者故賢於我則師

之敵於我則友之不及於我則教之無非所以取諸人爲善者從未有塊然獨處兀然徒讀而能有所成就者也反乎此則聰明者不肯沉潛安逸者不耐勞苦或爲事務所妨或爲紛華所誘誦讀不能浹洽思索不能專精畧涉行墨粗辨音義便以爲已了而無可疑旣以爲無可疑則自無事乎從人而問雖有問亦強覓勉爲而非其誠也其或年紀稍大名望稍高而流俗便佞之徒妄相推重巍然以先輩見處則又恐其醜拙本色被人窺覘自損其尊重之體於是修飾閉距務爲崇深使人莫測其端倪時取平日所涉

臺山集
獵剽竊者張皇而眩耀之要作矜已驕人之資殊不知作僞心勞誠中形外訑訑之色已被具眼者覷見損者日親益者日遠不惟終不可入堯舜之道往往於文理字音至淺近處有終身黜黯而不知恥者後世學者之病其免此絕希而才高地崇者抑又甚焉蓋非特讀書一事爲然也推而之於萬事萬爲無不皆然而極其害之所及至於蓄身債家未必非此病爲之祟也可不懼哉伏惟我 殿下聖學高明日就月將造詣所臻有非凡愚可仰度而春秋方富視孔子志學之歲不及且有年羣臣庸下雖不足以當古

人友臣之禮而一得之愚豈盡無其人哉至若後世學者之病粗有志於爲己者皆恥言之况以上聖天縱之姿豈有一毫近此者耶臣決知其必不然也然則或者之言可知其無所稽而古君子引君當道之義恐不如是也臣猥以庸陋備員經帷願忠之意非不切至而知識淺短無以爲獻姑誦耳目所聞見而輒敢以愚見斷其是非如右以附商旅傳言之規惟聖明留神裁察焉

仁政殿火後玉堂聯名劄子

伏以今茲法殿回祿之災何爲而作也焚棟之炎延

及深巖燎原之勢莫可嚮邇大內震驚都下波蕩卽地光景殆有甚於兵革之警急嗚呼是殿果何等重地也於是而踐阼位宁於是而嚮明出治 列聖相承肯堂肯構式至今屢百年所矣以 殿下繼述之孝受 祖宗付託之業雖於一器用一服玩之微固將奉之若天球弘璧猶恐其少有失墜况茲殿之重舉一國無以加焉而一朝蕩而爲灰燼瓦礫之場聖心之震惕危慄當復如何臣等忝在論思之地目擊前古所無之變異驚懍之餘繼以傷痛愚衷齊激按抑不住際伏承 聖教暨 慈教下者責躬求助

辭旨懇惻苟有一知半解顧何敢毫髮自阻於明命之下乎臣等竊惟天之示災固非一端而其威烈而勢猛者惟火爲甚輓近以來此災最頻前冬春曹之火先爲之兆咸關之興王舊基箕城之千歲名都同時告災若相和應至於月前社稷樂器庫之不戒尤爲懍然盖其由遠及近從輕至重節次開示不翅若耳提面命而大小恬嬉視同尋常漠然無一話一政之警懼淬礪仰承天戒者仁愛之天安得不赫然威怒轉加一層乎今其熇熇之炎發自肘腋慘於耳目猝然遇之奔走遑遑若可以幡然警覺少振頽惰而

臺山集
倘又日久狃玩猶夫前樣則過此以往惟有危亡而已言念及此直欲痛哭而流涕也災異之來固不虛作其先也必有所召其後也必有所應臣等愚昧固不敢傅會五行臆斷以爲某事所致而天人之際一理相貫豫煥急寒符驗不忒又焉可誣也夫火之爲性伏而後發伏之極者發亦必暴譬如一人之身有鬱于中伏而不洩則心火之上炎必至於銷鑠其肌膚焦熬其臟腑顧今朝廷之上窮蔀之下抑亦有伏鬱不洩足以上干天和者耶姑以臣等見聞之所及特舉其一二大者陳之惟 聖明垂察焉臣等聞國

之所賴以維持者惟公議是耳試看今日朝廷其可日有一脉公議乎激濁揚清謂之公議而泯泯混淆罔念名器之慎惜循義絕利謂之公議而營營揣摩只占身計之便宜曲逕多歧倖門競開善於承望者推爲識體工於鑽刺者稱以多能使一世衣冠之列昌披放倒汲汲如狂不復知有士大夫廉恥至於稍持風裁介然自守者乃反羣譏衆咻俾不得容足於其間噫本心不可終昧舉世難以厚誣滔滔之中亦豈無心知其可惡者而揣分量力自知非一葦可杭則惟有緘口囚舌仰屋竊歎而已我 殿下深居九

重亦安知風習情狀之至此其極乎此則公議之鬱也邦家之安危繫於生民之休戚顧今卿士大夫之列果有出一言發一謀以民憂爲已任者乎政令注措之間果有興一利除一害俾民生蒙實惠者乎元元之命懸於字牧一賢一否舒慘判焉而用舍不審旣無以簡別於其始黜陟不明又無以懲勸於其後貪墨者肆其副欲苛虐者恣其流毒唉彼赤子宛轉塗炭而就其中粗憑城社巧穿蹊徑者公行顯售益無忌憚多方橫歛囊橐充衍匪法使氣血肉狼藉而非但莫敢誰何推遷堯攬反若酬功而獎能者然尋

常懲勵之政猶且拱手熟視莫肯措意何況軍糴田賦種種積痼之瘼尙可望其出力振刷以蘇溝壑之殿屎乎一夫含冤猶足致戾修省之方尤重欽恤以今委靡之習俗頹敗之紀綱京外刑獄必多積滯長吏聽斷難保無枉而審理疏決之舉閣而不行亦已有年戴盆之下容光無期嗷嗷無辜安所控訴此則民情之鬱也國之有言路猶人之有血脉也血脉壅而人不病者未之有也歷觀往牒曷嘗有言路不開如今日而國不隲於危亂者乎槩之駢馘之成俗重以忌諱之多端下一言則恐惹雌黃論一事則動避

臺山集
望礙雖稍有願忠之志者亦不免前却顧望點竄刪
沒畢竟以沒稜角無關涉之寂寥數語聊且塞責而
止臣等無似亦嘗屢叨言責昵侍經席而未嘗以批
鱗犯顏之辭傾倒羅列於黜纘之下自顧慚慙無所
逃罪第念百僚至衆也八域至廣也顧豈無一介能
言之人而仗馬一鳴亦此無聞此則言路之鬱也人
材之興滯關國理亂命官授職非以私其人也而循
觀選任之際未睹明揚之實版築屠釣尙矣無論雖
於見在朝籍之中豈有以寒門畸士四無攀附而得
與於德舉才選之科者耶我國取人專由科第人才

進退此其門也而邇來榜眼之一出輒多物議之未
協守拙者懷玉未售有挾者濫竽竊吹發軔之路已
自不正策名之後何事可觀以此之故恬雅自好之
士羞與較進退外抱藝之人望絕媒榮致使朝家培
養蒐羅之具只作有司者內交濟私之欄柄此則人
才之鬱也凡此四者爲目不同而均之爲積鬱之端
煩冤結轆無由自達而舉世如夢惛莫之恤其氣類
之所感召機緘之所激發安得無今日之譴告乎在
今消弭之策不必他求惟察此四者之弊而亟圖所
以剗革之耳雖然公議之所以恢張民情之所以導

臺山集
達言路之所以開廣人才之所以登崇亦不越乎方寸中端本清源之地惟 殿下乘此警惕之會益加對越之工毋以驚動之餘而或緩於講學毋以過去之境而或弛於寅畏延接臣寮酬應事爲之際毋但以淵默矜莊爲務而必思所以赫然奮發洞然開拓俾上下之情志無至於鬱而未孚民國之措施無至於鬱而未宣慨然以前哲王興衰撥亂之事業自任則上天至仁寧不底豫回災爲祥惟 殿下一念之轉移耳臣等伏覩昨日求言之教獨及於論思諫諍之臣當此非常之災必須有非常之舉然後庶可以

仰格天意俯感輿情而詢諮之旨限以言官恐不免爲雍容循常之歸伏願誕降哀痛之音洞開不諱之門上自廊廟下至草野並許有懷悉陳博采翕受措諸實事以盡修省之道焉取進止

辭直閣疏

伏以臣猥以庸陋遭際 聖明昵侍 經幄依近耿光涯分已極更無餘願乃於千萬不意內閣新命遽下於玉署持被之中牙牌儼臨華誥誕宣臣誠恟怛駭悸罔知所以自措也身方在公門鑰已下情雖切於循墻禮不容於俟屢遂不免拚棄廉隅祇肅寵章

自顧慙慙人謂斯何噫金華玉府清切無比內相中
秘標望自別此天下之至榮而人情之所共歆羨者
也臣雖至愚情性豈與人殊哉獨怪夫受命以來寢
不交睫食不甘味縮縮然若負大何赧赧然若無所
容忽忽然若不知榮寵之爲可念嗟乎是誠何心哉
其亦必有甚不得已者存焉耳仰惟上天至仁曲遂
萬物臣何敢徒懷嚴畏泯默自阻不思所以仰首鳴
呼於閔覆之下乎夫閣之爲任所包甚廣奉 列聖
之訓謨則宋之龍圖天章也掌二酉之圖籍則漢之
石渠天祿也演絲綸而備顧問則唐之翰林也治詞

藻而課講製則 皇明之文華 國朝之湖堂也有
一于此其任固已不輕矣若其精義所存尤有大焉
洪惟我 先大王以不世出之聖奮大有爲之志大
明肇升羣陰悉屏深鑑乎宦妾賢士之戒洞契乎元
首股肱之訓思得忠良左右清燕外託君臣之義內
結父子之恩俾聰明得以開廣情志得以交孚是其
規撫之宏遠意義之淵微迥越常格暗合前聖有非
淺量俗見所能窺測其萬一者也惟其任之也至重
至殷故其選之也至難至慎寧狹而不欲褻也寧曠
而不必備也是以前後二紀之間居是任者指無多

儂方當新服正始之日一話一言柯則不遠善繼善述丌典在上是宜妙揀英髦儲養深嚴詔先烈於悠久躋聖化於熙隆此在朝廷大體關係何如而乃今拔之衆望之表置之羣彥之右彼其不衷觀聽駭惑反復思惟莫曉所以苟非日月之明或有遺照是必世級差降名器漸輕堂堂清顯之職夫人而可以冒據也其虧事體而玷治化豈細故也哉臣本蒙駉百無肖似早年決科非幸伊災惟我先王曲垂憫念特賜長暇俾專學業藹然若慈父之憐稚子節其步趨裁其飲啖不欲其速顛仆而生疾病恩至渥也德

至盛也欲報則啣結猶輕欲言則涕淚居先雖緣氣質難化空疎如初不能奮發淬厲用答恩造之萬一而若乃不諒已分徒貪榮進使我先王二十年苦心至意由臣身而壞了則臣罪至此萬死而不能贖矣臣雖無狀豈忍爲此噫害盈惡滿天理之常履盛不止人道所忌近年以來臣家之驟攬華顯不幸近是顧視一世無與爲兩臨淵履冰未足以喻此憂懼而至若從父兄弟之同時並列尤是設閣後初有揆以格憲不容暫時叨冒况僚案之間形跡難安至於露章而自引則以公以私臣身去就初非可論而若

其區區難進之義則大小輕重層級懸殊茲不敢張
皇而瀆陳之伏願 聖明念舊章之不可不率軫閣
選之不可不嚴俯察由中之懇誕垂體下之仁將臣
新授職名亟行鑄改俾公器增重而微分獲安不勝
幸甚

請寢瑞慈臺 親臨之命停仁政殿役疏

伏以今日國勢可謂岌岌乎殆哉災沴疊現而天心
無悅豫之期變怪層生而世道無底定之日廟謨積
滯孰使之振舉民生蕩析何術以懷保乃至兇邪之
徒闖入深嚴之地倉卒扈衛羣情波蕩設鞫屢日根

窩未覈卽又飄風告警回祿更肆箕營之一城俱燬
嶺東之百里延燼數日之內急報踵至聽聞錯愕心
膽隕墜噫從古以來妖祥何限而若其荐仍重沓如
不我克亦未有若是酷者臣不敢知天欲保佑我邦
家警告之不少弛耶亦不敢知天欲顛危我邦家抗
捏之不少恕耶天意冥冥不可測知惟有恪修人事
自盡其迂續祈永之道而已政宜君臣上下刻意勵
精改絃易轍內省隱微之訾尤外揆施措之闕遺審
民之利病而亟罷行之相時之緩急而亟損益之攷
致皇皇惟日不足而循觀朝著小大委蛇私意依舊

橫流俗見依舊纏繞漠然無有毫髮影響少變於前
日者此固羣下執事者之過而竊矚夫 殿下所以
躬蹈而表率之者亦未有以大異於是則大本既已
差矣彼朝廷百官之不正者又何足深責乎哉春煦
漸長而講對之設行全廢民事方殷而賓筵之詢諮
久曠天門咫尺限若山海廊廟訐謨之地帷幄顧問
之列雖或有懷欲陳亦患無路自達一日二日浸成
否隔中外憂歎已不勝其切切而至若親舉玉趾酬
接外廷者不過是昕庭聚士新恩放榜赫然觀美之
舉而已乃者慈臺試射之命又下於三製科次之筵

則臣愚之惑於是滋甚 殿下誠以今日時象爲已
治已安而目下政務之重且大者莫先於此則非臣
愚之所敢知如以爲或不然則於其重且大者棄置
之若忘乃反斷斷於輕細不急之務鎮日爲課不憚
煩勞何哉歲初儒臣之劄有以犒饋之先於朝參爲
不可者 殿下特賜優批獎詡開納且教曰犒饋則
歲首卽行朝參則取稟有期皆已例也爾或不知而
有此先後之言乎臣於是時伏見邸報不覺聳然起
立曰儒臣之言果是昧例而 聖上之不加譴責曲
賜開示者益可見容諫之聖德古所謂明良喜起吁

臺山集
咈都俞之盛將於吾身親見之矣以今觀之講對賓筵初非有待於取稟慈臺試射雖曰郊駕後應行之舉謁陵以後爲日亦且數旬則其事之無甚時急於此可見殿下之先彼而後此者又將何說而爲據乎始知殿下前日之教未必是誠心容諫而援例牖告無或爲一時禦人之資耶噫規恢遠圖奠邦基於磐泰殿下之能事而今焉惟細娛是耽廣布仁澤濟民命於塗炭殿下之當務而今焉惟外物是徇使忠志之士解體於朝窮苦之民齎鬱於野而徒欲以羽旄之美管籥之音侈然爲目前把玩之具

臣竊爲殿下惜之也詩曰天之方難無然憲憲天之方蹶無然泄泄又曰多將焞焞不可救藥伏願殿下惕然深監于茲先從慈臺親臨之命亟行停寢從今以往凡一舉措一事爲之稍涉豐豫者一切權且倚閣勤御簡策不輟誦讀數接臣寮極意討論毋徇口耳務切身心以立出治之根本又以哀痛惻怛之旨明詔大臣勉回遐心咸造朝端勿拘日期頻行次對熟講民國之計博議消弭之方以爲一半分傾否濟屯之圖焉臣向伏見聖教下者有曰殿役可停民弊不可貽大哉王言此真所謂一言可以興

邦者也近聞東峽諸邑疲於輸材怨咨騷擾傳說狼藉矧今東作方始俶載其時而沿江之民不暇操耒非但無麥之可憂抑亦秋成之難期民情所切衆口一辭而居旬宣分憂之任者乃或以不日子來等說侈辭於章奏之間臣實爲斯民悶然也且東西之災異方酷中外之蓄積俱竭此時大役之興非但重違天意亦非所以慰疲氓無聊之情而備國家不虞之需也伏乞亟命有司姑停營建之役以待可爲之時而專意用力於蘇殘救弊之策不勝幸甚臣無任激切祈祝之至

辭右副承旨疏

伏以臣以九死僅存之喘蒙再生罔極之恩拔自廢籍復廁仕塗便養獲逮於菽水濫秩遽躋於緋玉此豈臣夢寐之所嘗自期哉仰念 洪渥則拔心嗚咽俯省微分則顧影忸怩冰炭交中不能一日自安而九年之間一切噤默未嘗敢以區區衷情仰首一鳴匪分之榮視同儻來不稱之服冒若固有此豈臣全昧感激都沒廉義一似鳥獸草木之無知而然哉滓賤之身不比平人進越是懼趨走爲恭而若論前後所被 恩造則滂洋浩蕩無可倫擬天地猶有憾於

覆載父母不能兼於生育纔涉名言便屬歇後惟以
身心塵刹爲藉手之奉生死隕結爲銘肝之符質之
屋漏以沒餘齒而已千萬不意銀臺新命有隕自天
臣適在百里外丘壠之側重觸寒疾委頓旅次 天
牌虛辱於衡門 駟旨遠降於荒峽閭井聳觀林壑
生輝臣瞻望雲天以首頓地不覺清淚之被面 召
命之下不敢偃處鄉外謹已扶曳前進來伏江干而
遂欲彈冠束帶趨造 禁扃則內有廉隅之未泯外
有防限之難越次且跼蹐將起旋僵誠以顛沛之蹤
不堪復備鞭策創殘之形難容過加熏沐自量實審

物議可知是以年前臺館之受點也旣已泯伏俟勘
旋蒙遞免而間者縣邑之逡巡亦被 淵鑑之照臨
其畢竟承膺不能膠守微諒者竊以內外輕重差有
分別或可以揣分量力仰承德意耳顧今朝班密邇
旣非外任可比天府峻望又與宿趼懸殊則臣何敢
徒恃寵靈全無顧忌揚揚冒進自同於循例序遷之
人乎噫知恩感德蛇雀攸能戀主懷忠犬馬尙然况
臣家本世祿身登仕籍粵自 嗣服之初猥點簪筆
之列周旋宸幄陪奉清燕霑濡渥澤迴絕倫輩自頃
流落屢閱星霜瓊樓玉宇之思蒼顏白髮之感寤寐

悱惻結爲礪磊何幸雨露之曲成及茲蒲柳之未零
譬如幼而迷家者復瞻父母之庭歡欣顛倒惟恨兩
腋之不翼者苟非木石寧無是心而恩義之際未敢
徑情愧懼之偏若喪彝性遲回歷日荐犯逋傲進退
維谷窮蹙靡容茲不得不畧暴情實仰塵 聰聽唐
突干冒采增死罪伏乞 聖慈俯垂矜察亟命遞臣
職名以安私分仍治臣瀆擾之罪以肅朝綱不勝幸
甚

辭江華留守疏

伏以臣自蒙收召有年于茲 恩造如天廉防掃地

內玷華聯外竊豐廩榮覃九幽潤及三族志願已畢
涯分已踰惟有隕結罔極更無絲髮餘冀不意居留
晉擢之命忽下於簿領俟罪之中臣誠恟惶震惕莫
省所以致此何由也將謂天地之於物也父母之於
子也仁愛之而已爾顧復之而已爾不復計其劑量
分數之如何則雨露之澤亦戒偏施嬰兒之病常在
過飽 聖鑑至明寧忽斯理將謂夙忝禁近中經堙
廢旣許齒錄容加顧眄則是亦寸長銖能之粗有可
紀者之謂耳臣之平生臣自知之祿養之計謬入名
塗空疎愚暗觸事生尤畢竟灾咎之來莫非滿盈所

臺山集
招每一思惟惶汗浹背若此者雖在盛壯無故之日
隨流平進之時論以綜核在宜斥黜况今衰退豈堪
復辱存記雖然是二者特據臣一身分上論其與受
之當否而已至於舉錯用舍之上關朝廷大體則又
有所千萬主臣而不能終默者臣聞王者制治官人
爲大簡畀之精孰爲可忽而亞卿以上地望殊絕人
主之所不爾汝者也太上以德其次以功舉而授之
必有其說下焉則年勞久次抑亦可以待中材而處
常調耳匪此而居名之曰僭候人赤帝古今所譏臣
之本末長短天鑑在上物論在下不待臣費辭自述

而卽以最下年勞而言之釋褐雖在弱齡立朝蓋無
多日緋綠之換董董數三寒暑以若淺鮮有若超躡
其爲褻名器而駭物情當何如也至若保障重地之
望輕彈壓軍民積弊之才乏綜理猶屬緩聲未敢瀆
陳伏願 聖慈察臣言之匪飾念官方之宜慎將臣
新授江華留守之任亟賜鑄改仍命收還資級俾公
器重而私分安焉臣無任瞻天望 聖屏營祈懇之
至

啓辭

大臣以下伏閣請

坤殿垂簾啓 甲午

臺山集
伏以此時何等時也天地崩坼神人震蕩上下中外
悲眇靡暇而臣等乃以此時鋪敘言語締構文字鎮
日齊籲于我 坤聖號擗罔極之中至三五四六而
不知止焉事有畧刻可緩禮有毫髮可疑而猶復煩
聒如此則是豈天理人情之所忍爲哉每一陳辭肝
腸如碎每一承 批涕淚如雨而至於日昨 批旨
中情事二字臣等聚首伏讀相向失聲直欲溘然無
聞而不可得也臣等之忍舉此言仰憾我 坤聖情
事誠罪也我 世孫冲齡在疚熒熒靡依之情事我
衆庶屢日失怙遑遑無告之情事非我 坤聖有誰

顧念情事則一般哀痛而大小輕重之際獨未可淵
然而深思耶嗚呼黃裳蘊美命令不出於閨門含飴
供懽福祿齊享於期頤臣等之夙昔祈願豈不在此
而旻天不吊奄有今日痛矣冤矣尙復何言而我
世孫春秋鼎盛如 正考之嗣 英祖則臣等又何
爲而有是請也聖賢舉措處變異於處常國家典禮
監遠不如監近我 貞純聖母簾帷之儀不行於丙
申而行於庚申豈非我 坤聖耳目之所逮耶伏况
繼序承統一日爲急春曹節目尙未達下舉國輿情
不勝悶鬱而每奉 令旨輒以垂簾則顯祝爲教

坤聖殿下若一俞臣等之請則藉手回聽庶有其望
五百年 宗社轉危爲安之機實在是矣臣等意殫
辭竭言止於此號泣伏閣恭俟明命惶恐敢啓

臺山集卷四

